

湘綺樓全書



甫田之什毛詩詁訓傳第廿一 小雅六

詩十四 鄭氏箋 王氏補箋

甫田刺幽王也 君子傷今而思古焉 刺者

刺其倉廩空虛政煩賦重農人失職

倬彼甫田歲取十千 倬韓作葑 倬明皁甫田謂天下田也十千言

多也箋云甫之言丈夫也明乎彼太古之時以丈夫稅田也歲取十千於井田之法則一成之數也九夫為井井稅一夫其田百畝井十為通通稅十夫其田千畝通十為成成方十里成稅百夫其田萬畝欲見其數從井通起故言十千上地穀畝一鍾 補曰甫始也

一田畷統萬夫兼徹助之法倬然著明是周公法后稷始定田畝之制也噫嘻曰終三十里十千為耦謂一川之間萬夫故取十千周制一鄉萬二千五百家家率一夫則一田畷領一鄉也**我取其陳食我農人自古有年**尊者食新農夫

食陳箋云倉廩有餘民得賒貰取食之所以紓官之蓄滯亦使民愛存新穀自古者豐年之法如此**補曰制十一之法嫌於重斂故明其意也我之取十千者非為積斂乃欲以其陳穀於農人乏食之月貸****今適南畝或耘**予之此自古后稷所以備歉

或耘黍稷薿薿耘一作芸說文引薿**艸也**耘雍本也箋云今者今

成王之法也使農人之南畝治其禾稼功至力盡則薿薿然而茂盛於古言稅法於今言

治田互詞 補曰農為君民之本故今設農

官也適謂田官遣吏督課也南畝天子藉田

也禾美惡 攸介攸止烝我髦士 烝進也髦俊

在耘耔時 俊士以進箋云介舍也禮使民勸作耘耔閒

暇則於廬舍及所止息之處以道藝相講肄

以進其為俊士之行 補曰髦士官也既立

田畷統萬夫兼令興學於所舍止之處選而

進之於是立造士之制以歸老三公為鄉老

卿大夫為田畷教農子弟其良秀成學者進

之大學而官之是則治天下之本也王制曰

鄉之秀士升司徒再乃升學謂之造士與王

太子及士之適子齒其後乃升司馬為進士

而論授以官其天子及士之子皆適長代父

位故不為進士唯農民之子乃進耳謂之髦

士者本其始也髦士者致仕老臣所選升髦

選也亦老也

以我齊明與我犧羊以社以方

齊一作齋齋器實曰齊

在器曰盛社后土也方迎四方氣於郊也箋

云以潔齊豐盛與我純色之羊秋祭社與四

方為五穀成熟報其功也補曰齊醴齊明

明酌記曰縮酌用茅明酌也周官醴齊縮酌

記又曰明水說齊少牢不用鬯故用明水說

醴齊謂之齊明也用羊者珥祭也小子之職

掌以羊珥于社稷祈于五祀羊人凡祈珥共

羊牲方祀候禳用羊牲不用太牢也云犧者

本可用厯此我田既臧農夫之慶箋云臧善

重其事耳

已善則慶賜農夫謂大蜡之時勞農以休息

之也年不順成則八蜡不通補曰臧收也

農夫田畷也田既畢收又有慶賜
之典言天子重農禮義殷勤也
琴瑟擊鼓

以御田祖以祈甘雨以介我稷黍以穀我士

女田祖先嗇也穀善也箋云御迎介助穀養也設樂以迎祭先嗇謂郊後始耕也以求

甘雨佑助我禾稼我當以養士女也周禮曰凡國祈年于田祖吹豳雅擊土鼓以樂田畷

補曰祈年在蜡先俱於夏正十月此先言慶農者王於勞農故也田祖蓋后稷也前代

為先嗇周以其為祖而改稱焉種藝始於神農收種始於后稷故曰先嗇蜡祭又有司嗇

則其方田神未有主名

曾孫來止以其婦子饁彼南畝箋云曾孫謂成王也成王

來止謂出觀農事也親與后世子行使知稼

穡之艱難也為農人之在南畝者設饋以勸

之補曰凡周嗣王於事稷皆稱曾孫后稷

周之先祖也以與也其斥農人也監賜南郊

籍田農人酒食田峻至喜攘其左右嘗其旨

因及其婦子也箋云攘讀當為饗饁饗饋也

否峻一作俊田峻司嗇今之嗇夫也喜讀為饗饗酒食

也司嗇至則又加以酒食饗其左右從行

者成王親為嘗其饋之美否示親之也補

曰左右田峻之私臣也田峻尊矣可以為三

老五更天子所父兄事者至饗者至田峻之

室而設酒食謂不饗燕以珍禾易長畝終善

從也嘗旨否者侍食之禮

且有曾孫不怒農夫克敏易治也長畝竟畝也敏疾也箋云禾

治而竟畝成王則無所責怒謂此農夫能且
敏也補曰此田峻告王詞也長畝言溝洫
治疆界正也怒讀爲努勉也王雖不親戒農
大夫勅之猶克使農民赴疾于功言田峻知
王意

曾孫之稼如茨如梁曾孫之庾如坻如京積茨

也梁車梁也京高丘也箋云稼禾也謂有稟
者也茨屋蓋也上古之稅法近者納總遠者
納粟米庾露積穀也坻水中之高地也補
曰專言曾孫者藉田所收也稼種穀也分別
種稷臧於神倉積之
如茨梁甚言其多
乃求千斯倉乃求萬斯

箱箋云成王見禾穀之稅委積之多於是求
千倉以處之萬車以載之言是年收踰前

也補曰千畝

黍稷稻梁農夫之慶

箋云慶賜也年

故求千倉也豐則勞賜農夫益厚既有黍稷加以稻梁

補曰稻梁者待賓客之加簠也農夫農大夫

也以慶之者報以介福萬壽無疆箋云報者為之求福

蓋又歸之食報以介福萬壽無疆竟也補曰報下

助於八蜡之神萬壽無疆報上也農大夫得賜無所為報唯祝王福壽

耳

甫田四章章十句

大田刺幽王也言矜寡不能自存焉王

之時政煩賦重而不務農事蟲災害穀風雨不時萬民饑饉矜寡無所取活故時臣

思古以刺之

大田多稼既種既戒既備乃事

箋云大田謂地肥美可墾

耕多為稼可以授民者也將稼者必先相地

之宜而擇其種季冬命民出五種計耦耕事

修耒耜具田器此之謂戒是既備矣至孟春

土長冒楸陳根可拔而剗之

子藉田也多稼

謂九穀之種備

以我覃耜俶載南畝

謂九穀之種備

讀為熾載讀為蓄栗之蓄時至民以其利相

熾蓄發所受之地趨農急也田一歲曰蓄

補曰覃讀為鐔三蒼說劔口也言播厥百穀

相利如劔南畝天子藉田之稱

既庭且碩曾孫是若

庭直也箋云碩大若順也民既熾蓄則種其眾

穀眾穀生盡條直茂大成王於是則止力役以順民事不奪其時

既方既卓既堅既好不稂不莠

實未堅者曰稂稂童梁也

莠似苗也箋云方房也謂孚甲始生而未合

時也盡生房矣盡成實矣盡堅熟矣盡齊好

矣而無稂莠擇種之善民去其螟貳及其蠹

力之專時氣之和所致之

賊無害我田稗

武韓作騰說文引作蠶食心曰螟食葉曰貳食根曰蠹

食節曰賊箋云此四蟲者恆害我田中之稗禾故明君以正己而去之

田祖有

神秉畀炎火

秉韓作卜炎火盛陽也箋云螟貳之屬盛陽氣羸則生之今

明君為政田祖之神不受此害持之付與炎

火使自消亡補曰四蟲在禾如人有蟣蝨

由陰雨得日光而生烈日照之則災弭而蟲死

有滄萋萋興雲祁祁滄雲祁一作奔雨祈滄漢書引作豔萋韓作淒

者滄雲興兒萋萋雲行兒祁祁徐也箋云古者陰陽和風雨時其來祁祁然而不暴疾

雨我公田遂及我私箋云其民之心先公後私今天主雨於公田因

及私田爾此言民怙君德蒙其餘惠彼有不穫穉此有不斂穧

彼有遺秉此有滯穗伊寡婦之利秉把也箋云成王之

時百穀既多種同齊熟收刈促遽力皆不足而有不穫不斂遺秉滯穗故聽矜寡取之以

為利補曰穉未穫穀穧已穫穗秉把持將還者穗禾穗離粘落地者四者遺滯則不取

曾孫來止以其婦子饁彼南畝田峻至喜

箋云

喜讀為饁饁酒食也成王出觀農事饋食耕

者以勸之也司嗇至則又加之以酒食勞勸

之爾補曰以與也饁賜南郊農人並賜其

婦子此與甫田分二時蓋藉田農人歲有二

賜春秋省田時饁焉因皆至田峻家設酒來

食所以優老念舊重道勸賢先王之大典

方禋祀以其騂黑與其黍稷

騂牛也黑羊豕也箋云成王之

來則又禋祀四方之神祈報焉陽祀用騂牲

陰祀用黝牲補曰方鄉也藉田在南郊祭

天之方禋祀昊天上帝用騂犢祀北郊北極

大帝用黑牛飯用稷酒用黍蓋后稷肇祀用

黍稷故後恆用焉

郊用三微之月以享以祀以介景福

大田四章二章章八句二章章九句

瞻彼洛矣刺幽王也 思古明王能爵命

諸侯賞善罰惡焉 補曰洛當為雒雒邑會同之地洛水雍州漆沮

瞻彼洛矣維水泱泱君子至止 興也洛宗周

泱深廣兒箋云瞻視也我視彼洛水灌溉以時其澤浸潤以成嘉穀興者喻古明王恩澤

加於天下爵命賞賜以成賢者 君子至止者謂來受爵命者也 福祿如茨 命

為福賞賜為祿茨屋 蓋也如屋蓋喻多也 韎韐有奭以作六師 奭

虎通引作韎 韎染韋也一入曰韎韐所以代韠也天子六軍箋云此諸侯世子也除三

年之喪服士服而來未遇爵命之時時有征
伐之事天子以其賢任為軍將使代卿士將
六軍而出韎韐者茅蒐染也茅蒐韎聲也韐
祭服之韠合韋為之其服爵弁純衣纁裳也
補曰李黼平說幽王元年晉侯仇嗣立明
年會王子多父伐檜此蓋刺其除喪出軍

瞻彼洛矣維水泱泱君子至止韠琫有珌

刀飾也琫上飾珌下飾天子玉琫而珌珌諸
侯盪琫而璆珌大夫璚琫而璚珌士珌琫而
珌珌箋云此人世子之賢者也既受爵命賞
賜而加賜容刀有飾顯其能制斷 補曰韠
琫容刀蓋特賜將帥之佩朝不佩劍故賜
容刀琫而有珌皆飾以玉天子刀飾也

子萬年保其家室
箋云德如是則能長安其
家室家室親安之尤難安

則無篡殺之禍也補
日刺王所命不能自安

瞻彼洛矣維水泱泱君子至止福祿既同箋

此人世子之能繼世位者也其爵命賞賜
盡與其先君受命者同而已無所加也君

子萬年保其家邦

瞻彼洛矣三章章六句

裳裳者華刺幽王也古之仕者世祿小

人在位則讒詔並進棄賢者之類絕功臣

之世焉古者古昔明王時也小人斥今幽
王也補曰瞻洛言外此篇言內

裳裳者華其葉湑兮

興也裳裳猶堂堂也湑盛兒箋云興者華堂堂

於上喻君也葉湑然於下喻臣也明王賢臣

以德相承而治道興則讒詔遠矣

華即皇華喻臣出使者葉謂其後世也

湑然芬落言此臣死子孫不復在位也

之子我心寫兮我心寫兮是以有譽處兮

箋云

覲見也之子是子也謂古之明王也言我得

見古之明王則我心所憂寫而去矣我心所

憂既寫是則君臣相與聲譽常處也憂者憂

讒詔並進

補曰我我王也之子世臣之子

也寫者傾心親愛之故

臣子盡心諸侯有譽也

裳裳者華芸其黃矣

芸黃盛也箋云華芸然而黃興明王德之盛也

不言葉微見無賢臣也補曰言此臣能光

國也古謂華盛為黃書大傳說華燭黃也記

大夫玄華

玄黃也我觀之子維其有章矣維其有章

矣是以有慶矣箋云章禮文也言我得見古

政有禮文法度政有禮文法度是則我有慶

賜之榮也補曰慶謂賜賢者子孫也慶賜

之典非以為惠乃國家治

隆粲秩之典章章典常也

裳裳者華或黃或白箋云華或有黃者或有

駁而不純補曰華久則我觀之子乘其四

白華白喻歷久而猶甚

駱言世祿也補曰四駱出使乘其四駱六

所乘言世臣子孫名通遠國

轡沃若

箋云我得見明王德之駁者雖無慶譽猶能免於讒詔之害守我先人之

祿位乘其四駱之馬六轡沃若然補曰言祿用世臣乃君馭下之方

左之左之君子宜之右之右之君子有之

左陽

道朝祀之事右陰道喪戎之事箋云君子斥

其先人也多才多藝有禮於朝有功於國

補曰左右助也言交

維其有之是以似之

維劉

侯國唯賴諸臣也

向引作唯似嗣也

箋云維我先人有是一

德故先王使之世祿子孫嗣之今遇讒詔竝

進而見

絕也

裳裳者華四章章六句

桑扈刺幽王也君臣上下動無禮文焉

動無禮文舉事而不
用先王禮法威儀也

交交桑扈有鶯其羽

說文引鶯興也鶯然
文章箋云交交猶佼

佼飛往來兒桑扈竊脂也興者竊脂飛而往

來有文章人觀視而愛之喻君臣以禮法威

儀升降於朝廷則天下亦觀視而仰樂之

補曰扈小鳥雀類也桑扈有文章喻小國亦

能助君子樂胥受天之祐

王也王者樂臣下有才知文章則賢人在位庶

官不曠政和而民安天子之以福祿補曰

胥相也助也

樂賢臣之助也

交交桑扈有鶯其領領頸也補君子樂胥

萬邦之屏屏蔽也箋云王者之德樂賢知在位則能為天下蔽捍四表患難矣

蔽捍之者謂蠻夷率服不侵畔補曰王能樂育小國則萬邦咸為王屏蔽也

之屏之翰百辟為憲翰翰憲法也箋云辟君也王者之德外能捍蔽

四表之患難內能立功立事為之楨幹則百辟卿士莫不修職而法象之補曰百辟侯

國命卿多故言百不戢不難受福不那那說文引作

不戢戢也不難難也那多也不多多也箋云王者位至尊天所子也然而不自斂以先王

之法不自難以亡國之戒則其受福祿亦不多也補曰戢合難卻也諸侯能合與國卻

四夷則
王多福

兕觥其斛旨酒思柔

斛一作觥

箋云兕觥

臣燕飲上下無失禮者其罰爵徒斛然陳設而已其飲美酒思得柔順中和與其樂言

不憚敖自淫恣也補曰兕觥學宮飲酒之所設言求貢士以為諸侯也旨酒醴也入學

養老則設醴彼交匪敖萬福來求

彼左傳引

言尊賢教士

書引匪傲匪傲箋云彼彼賢者也賢者居

處恭執事敬與人交必以禮則萬福之祿就而求之謂登用爵命加以賞賜補曰交邦交也彼明王之邦交不敢敖惰以求天下士

桑扈四章章四句

鴛鴦刺幽王也補曰刺不親迎思古明王交於

萬物有道自奉養有節焉交於萬物有道謂順其性取之

以時不暴天也

鴛鴦于飛畢之羅之興也鴛鴦匹鳥太平之時交於萬物有道取之

以時於其飛乃畢掩而羅之箋云匹鳥言其止則相耦飛則為雙性馴偶也此交萬物之

實也而言興者廣其義也獮祭魚而後漁射祭獸而後田此亦皆其將縱散時也
補曰

鴛鴦雙飛喻后匹王也畢羅以禮取言王者不漁色當以禮迎君子萬年福

祿宜之箋云君子謂明王也交於萬物其德如是則宜壽考受福祿也

鴛鴦在梁戢其左翼言休息也箋云梁石絕水之梁戢斂也鴛鴦休

息於梁明王之時人不驚駭斂其左翼以右翼掩之自若無恐懼補曰在梁喻已入宮

也別鳥之雌雄視其翼戢左翼者雄也君子雄以覆雌為義言既娶當猶覆翼相讓

萬年宜其遐福箋云遐遠也

乘馬在廐摧之秣之摧韓作莖 摧莖也秣栗也箋云摧今莖字也

古者明王所乘之馬繫於廐無事則餵之以莖有事乃與之穀言愛國用也以興於其身

亦猶然齋而後三舉設盛饌恆日則減焉此之謂有節也補曰秣馬親迎之詞今在廐

故勸其摧秣以往馬不常君子萬年福祿艾秣凶年之禮非明盛事

之艾養也箋云明王愛國用自奉養之節如此故宜久為福祿所養也

乘馬在廐秣之摧之君子萬年福祿綏之箋云

綏安也補曰夫婦之詞

鴛鴦四章章四句

頰弁諸公刺幽王也補曰諸公侯國孤卿禮曰若有諸公諸公

天子命卿有和諸侯之職今王不接見諸侯故作刺也暴戾無親

不能宴樂同姓親睦九族孤危將亡故作

是詩也戾虐也暴虐謂其政教如雨雪也

有頰者弁實維伊何說文引頰舉頭也興

云實猶是也言幽王服是皮弁之冠是維何

為乎言其宜以宴而弗為也禮天子諸侯朝

服以燕天子之朝爾酒既旨爾殽既嘉箋云

皮弁以日視朝皆美也女酒既美矣女殽已美矣何以不用補

與族人燕也言其知具其禮而弗為也曰既盡也燕必告箋云

旨言君賜無不美豈伊異人兄弟匪他此言

王當所與燕者豈有異人疏遠者乎皆兄弟

與王無他言至親又刺其弗為也補曰兄

弟友邦之稱兼同異庶姓大小國也蔦與女

蘿施于松柏說文引蔦或作檮蔦寄生也

有尊託王之尊箋云託王之尊者王明則榮
王衰則微刺王不親九族孤特自恃不知己
之將危亡也補曰女蘿施于蔦以延
登于松柏猶諸公和諸侯以接于王

君子憂心奕奕既見君子庶幾說釋釋一作奕

奕然無所薄也箋云君子斥幽王也幽王久
不與諸公燕諸公未得見幽王之時懼其將

危亡已無所依怙故憂而心奕奕然故言我

若已得見幽王諫正之則庶幾其變改意解

釋也補曰君子來朝諸侯也諸侯皆不欲

朝故憂之既見則情通可解其猜怨而釋其

情禮也論語

曰說而不釋

有頰者弁實維何其其一作期箋云何爾

其猶伊何也其詞也

爾

酒既旨爾殽既時也時善豈伊異人兄弟具來

箋云具猶皆也日具來言六服皆朝薦與女蘿施于松上未

見君子憂心怲怲既見君子庶幾有臧說文引怲

滿也臧善也

有頍者弁實維在首補曰在天子爾酒既旨爾

殽既阜箋云阜猶多也豈伊異人兄弟甥舅箋云謂我舅者

吾謂之甥小邦曰叔舅言甥者通言之謂之甥舅之好

如彼雨雪先集維霰霰一作霓霰暴雪也

温雪自上下遇温氣而搏謂之霰久而寒盛則大雪矣喻幽王之不親九族亦有漸自微至甚如先霰後大雪補曰霰散也初雪時地猶温故及地而散爾雅謂之霄雪霄消也喻君臣雖猜疑初時易消散如雪不遽凝矣許慎以霰為積雪積雪堅凝於引喻無所取

死喪無日無幾相見箋云王政既衰我無所依怙死亡無有日數能

復幾何與王相見也補曰無日不知期日也幾冀也國危則將亡雖欲相見不可幾冀

樂酒今夕君子維宴箋云且今夕喜樂此酒此乃王之燕禮也刺幽

王將喪亡哀之也補曰當死喪而樂又以夕宴是叛王也言諸侯皆以不朝為樂仍稱

君子者與上相起其意乃明

頌弁三章章十二句

車牽大夫刺幽王也

補曰言雖廢申后不可立褒姒

褒

姒疾妒無道竝進讒巧敗國德澤不加于

民周人思得賢女以配君子故作是詩也

間關車之牽兮思變季女逝兮

興也間關設牽也變美兒

季女謂有齋季女也箋云逝往也大夫疾衰

姒之為惡故嚴車設其牽思得變然美好之

少女有齋莊之德者往迎之配幽王代褒姒

也既幼而美又齋莊庶其當王意補曰初

設轄者喻尚未立后也王令有司具禮備五

路設轄間關然知王思彼美好未嫁之女故

將以車往也季女教成在匪饑匪渴德音來

宗室之稱言妾不可為妻

拊一作恬拊會也箋云時讒巧敗國下

不饑雖渴不渴覲得之而來使我王更修德

教合會離散之人補曰非饑渴而如饑渴

憂思之至也聞王當更立后則思其當求德

音者來會嘉禮若奉使逆女不至有饑渴時

雖無好友式燕且喜箋云式用也我得德音

我猶用是燕飲相慶且喜補曰友猶匹也

新逆女雖未必知其為好匹能用禮則安喜

極言褒姒之非匹不可立

依彼平林有集維鷓辰彼碩女令德來教

劉依

依

劉

依

向引作展 依茂木兒平林林木之在平地
者也鷓雉也辰時也箋云平林之木茂則歌

介之鳥往集焉喻王若有茂美之德則其時
賢女來配之與相訓告改修德教 補曰此

追思申后之詞也平林喻太子未為王時鷓
喻翟衣翟第車也碩女碩人后夫人之尊稱

本其初嫁故稱女初以修陰教 式燕且譽好爾無射
其有令德可以修陰教

箋云爾女女王也射厭也我於碩女來教則
用是燕飲酒且稱王之聲譽我愛好王無有

厭也 補曰燕譽者女嫁之詞也大雅曰韓
姑燕譽言申女來嫁結昏姻之好不宜厭棄

雖無旨酒式飲庶幾雖無嘉殽式食庶幾

補曰

旨酒嘉殽君臣酒食之詞雖無者王娶申女
時猶未即位也庶幾尚也尚與合卷飲同牢

食雖無德與女式歌且舞箋云諸大夫覲得賢女以配王於是

酒雖不美猶用之燕飲殺雖不美猶食之人皆庶幾於王之變改得輔佐之雖無其德我

與女用是歌舞相樂喜之至也補曰歌舞者備燕樂也申女雖無德已為后與王燕

陟彼高岡析其柞薪析其柞薪其葉湑兮箋云

陟登也登高岡者必析其木以為薪析其木以為薪者為其葉茂盛蔽岡之高也此喻賢

女得在王后之位則必辟除疾妬之女亦為其蔽君之明補曰柞櫟也其葉相續而生

高岡君位析薪父子之事喻申女配尊有嗣子而見分析也湑零落之兒柞且為薪何愛

其葉喻后廢太子鮮我覲爾我心寫兮箋云亦廢申愈疏也

覲見也善乎我得見女如是則我心中之憂
除去也補曰善我者欲王復善申女也

高山仰之景行行之之一作止說文引叩止景大也箋云景明也

諸大夫以爲賢女既進則王亦庶幾古人有
高德者則慕仰之有明行者則而行之補

曰高山君位其行事眾所仰當依四牡駢駢

大道乃可行極言立后之當審也

六轡如琴箋云其御羣臣使之有禮如御四馬駢駢然持其教令使之調均亦

如六轡緩急有和也補曰覲爾新昏以慰四牡以親迎知王意不可轉

我心慰韓作愠慰死也箋云我得見女之新昏如是則以慰除我心之憂也新昏

謂季女也補曰言新昏者極諫立衰姒也臣民心不平別求賢女或可以熨伏之

車牽五章章六句

青蠅大夫刺幽王也

營營青蠅止于樊

營說文引又作營樊作林史記作蕃漢書引至于藩

興也營營往來兒樊藩也箋云興者蠅之爲蟲污白使黑汚黑使白喻佞人變亂善惡也言止于樊欲外之令遠物也豈弟君子無信讒言箋云豈弟樂易也

營營青蠅止于棘

補曰棘九卿之朝位喻佞人將爲卿蓋虢石父也

讒人罔極交亂四國

箋云極猶已也補曰極中也亂諸侯之邦交

營營青蠅止于榛

榛所以為藩也 補曰榛女婬止榛者在妃妾之班

蓋衰 讒人罔極構我二人

箋云構合也合猶交亂也 補曰二

人夫婦也王及申后將為所間

青蠅三章章四句

賓之初筵衛武公刺時也 幽王荒廢

近小人飲酒無度天下化之君臣上下沈

湎淫液武公既入而作是詩也

淫液者飲酒時情態

也武公入者入為王卿士

賓之初筵左右秩秩秩秩然肅敬也箋云筵席也左右謂折旋揖讓

也秩秩知也先王將祭必射以擇士大射之禮賓初入門登堂即席其趨翔威儀甚審知

言不失禮也射禮有三有大射有賓射有燕射補曰賓筵者所謂筵國賓也上言賓下

言大侯明此為諸侯助祭而擇貢士也左右主賓之黨也大射于射宮在西郊虞庠之學

籩豆有楚殽核維旅楚列兒殽豆實也核加籩也旅陳也箋云豆實

菹醢也籩實有桃梅之屬凡非穀而食之曰殽補曰籩脯也射薦籩脯五挺豆醢也殽

升折俎則有牲矣覈骨也折俎體儀貴賤各有骨故謂為覈蔡邕說肉為殽骨為覈是也

字又作骸又作胾果核似骨故亦名核骨分貴賤故又為考核書呂刑其審核之今以覈

爲正字許慎又以胾爲足毛皆非酒旣和旨也賓各有俎故曰維旅蓋用牛牲

飲酒孔偕箋云和旨酒調美也孔甚也王之酒已調美眾賓之飲酒又威儀齊

一言主人敬其事而眾賓肅慎補曰酒言和者齊也亦天子異禮鐘鼓旣設

舉醕逸逸言旣設者將射改縣也鐘鼓於逸

逸秩秩也古大侯旣抗弓矢斯張大侯君侯也抗舉也

有燕射之禮箋云舉鵠而棲之於侯也周禮梓人張皮侯而棲鵠天子諸侯之射皆張三

侯故君侯謂之大侯大侯張而弓矢亦張節也將祭而射謂之大射下章言烝衎烈祖其

非祭乎補曰大侯虎侯其二射夫旣同獻則熊豹也抗者繫侯左下綱

爾發功

箋云射夫眾射者也獻猶奏也既比眾耦乃誘射射者乃登射各奏其發

矢中的之功

補曰射夫諸侯也爾爾

發彼

王也功貢士也

得與于祭而君有慶

有的以祈爾爵

爾禮記引作有的質也祈求也箋云發發矢也射者與

其耦拾發發矢之時各心競云我以此求爵

女爵射爵也射之禮勝者飲不勝所以養病

也故論語曰升下而飲其爭也君子

補曰

爾當作有求中以辭爵己不欲有此爵也言

古之君臣求不飲酒

今之君臣乃求飲酒

籥舞笙鼓樂既和奏烝衎烈祖以洽百禮

秉籥

而舞與笙鼓相應箋云籥管也殷人先求諸

陽故祭祀先奏樂滌蕩其聲也烝進衎樂烈

美洽合也奏樂和必進樂其先祖於是又合見天下諸侯所獻之禮補曰籥舞文王之

盛德故特言焉烈祖蓋大王廟百禮既至有王有林王大林君也箋

云王任也謂卿大夫也諸侯所獻之禮既陳於庭有卿大夫又有國君言天下禮至得萬

國之歡心補曰王禹貢所謂任國字一作男卿大夫以王官受采邑者為縣內諸侯左

傳曰鄭伯男也林錫爾純嘏子孫其湛嘏大羣也外諸侯之稱

云純大也嘏謂尸與主人以福也湛樂也王受神之福於尸則王之子孫皆喜樂也補

日謂上嗣登餽受爵湛漸漬其湛曰樂各奏也漸漬於大福習於禮也

爾能箋云子孫各奏爾能者謂既湛之後各酌獻尸尸酢而卒爵也士之祭禮上嗣

舉奠因而酌尸天子則有子孫獻尸之禮文

王世子曰其登餽獻受爵則以上嗣是也

補曰湛於禮即合於樂故其湛曰樂所謂無

聲之樂也人得自進故合于樂各進者謂長

兄弟眾賓長各加爵于尸侑賓載手仇室人

主人主婦也能賢也亦長也

入又手取也室人主人也主人請射於賓賓

射以耦賓也箋云仇讀曰斟室人有室中之

事者謂佐食也又復也賓手挹酒室人復酌

為加爵補曰賓次賓也次賓一人又舉爵

遂之於下爵無算故曰手斟言任酌者自酌

之也室人婦贊者也入入房酌彼康爵以奏

也房中又行旅酬如堂下也

爾時酒所以安體也時中者也箋云康虛也

時謂心所尊者也加爵之間賓與兄弟

爾時謂心所尊者也加爵之間賓與兄弟

交錯相醜卒爵者酌之以獻其所尊亦交錯而已又無次也補曰酌康爵者主人洗爵

于戶內以授簋者也士禮取爵于筐天子則

措筐於坫故曰康記曰崇坫康圭亦是也奏

進時承也進上嗣承神惠祭禮終賓出矣大

夫使官餽諸侯自與卿四人餽天子蓋使上

嗣與公卿餽與

賓之初筵温温其恭

箋云此復言初筵者既祭王與族人燕之筵也

王與族人燕以異姓為賓温温柔和也補

曰言今者待貢士及諸侯助祭者禮猶未改

其未醉止威儀反反曰既醉止威儀幡幡

反韓

作飯反反言重慎

舍其坐遷婁舞僊僊

遷徙

也幡幡失威儀也

婁數也僂僂然箋云此言賓初即筵之時能
自敕戒以禮至于旅酬而小人之態出言王
既不得君子以為賓又不得有恆
其未醉止
之人所以敗亂天下率如此也

威儀抑抑曰既醉止威儀怩怩
怩說文引作抑抑慎

密也怩怩
媠媠也
是曰既醉不知其秩
秩常也

賓既醉止載號載呶亂我籩豆婁舞傲傲
說文

引呶傲號呶號呼謹呶也傲傲舞不能自
正也箋云此更言賓既醉而異章者著為無

算爵以
是曰既醉不知其郵側弁之俄婁舞
後也

傴傴
說文引俄傴側作仄又引婁舞娑娑
傴傴不正也箋云郵過側傾也俄傾兒

既醉而出竝受其福醉而不出是謂伐德箋云

出猶去也賓醉則出與主人俱有美譽醉至

若此是誅伐其德也補曰伐敗也飲必於

祭以薦明德而神降福故既醉既飽小大稽

首而出也若以醉亂之是傷敗王之明德

飲酒孔嘉維其令儀箋云孔甚令善也飲酒

儀武公見王之失禮故以此言箴之

凡此飲酒或醉或否箋云凡此者凡此時天

摺之詞此諸臣侍飲者言諸臣亦有守禮既

不醉者以明由王之過不醉者武公卽是

立之監或佐之史彼醉不臧不醉反恥立酒

佐酒之史箋云飲酒于有醉者有不醉者則
 立監使視之又助以史使督酒欲令皆醉也
 彼醉則已不善人所非惡反復取未醉者恥
 罰之言此者疾之也補曰監禮所謂司正
 也史左右史記王言動者本非為飲酒立故
 言佐也今雖立監史醉不知恥反以不醉者
 為恥箋云式讀曰忒勿猶
式勿從謂無俾大怠無也俾使也武公見
 時人多說醉者之狀或以取怨致讎故為設
 禁醉者有過惡女無就而謂之也當防護之
 無使顛仆至於怠慢也補曰此自明不面
 諫而陳詩之意也既以不醉為可恥用此故
 不可從而諫之無使乘醉怒補曰此自明不面
 而大慢戮辱忠直而兩傷也**匪言勿言勿由**
勿語勿由唐石經以後均誤為匪由
箋云由從也其所陳說非所當說無為人說

之也亦無從而行之也亦無以語人也皆爲其聞之將恚怒也補曰君臣媿慢不可傳

于四方故勿言勿從勿語由醉之言俾出童殺殺羊不童也箋云女

從行醉者之言使女出無角之殺羊脅以無然之物使戒深也殺羊之性牝牡有角補

曰夏羊牡踰牝殺童殺猶牝雞也抑曰彼童而角實虹小子謂衰姒也王所以用醉言者

其使之出於童殺衰姒也三爵不識矧敢多又箋

矧況又復也當言我於此醉者飲三爵之不云

知況能知其多復飲乎三爵者獻也醉也也補曰凡舉爵三作侍君飲之節也記曰

三爵而油油以退謂二大夫媿爵君取一以酬賓二以賜大夫之長或仍賜賓三唯所賜皆旅酬于是乃立司正命安而脫屣升坐始

可以飲酒命安之時臣可以退武公見時無
禮於命安輒退故以此自明其異趣也不識
者若曰非
臣所敢知

賓之初筵五章章十四句

甫田之什十篇卅九章二百九十六句

小雅

弟子桂陽陳兆奎棊校

詩十四

魚藻之什毛詩詁訓傳廿二

小雅七

詩十五

鄭氏箋

王氏補箋

魚藻刺幽王也

言萬物失其性王居鎬

京將不能以自樂故君子思古之武王焉

萬物失其性者政教衰陰陽不和羣生不
得其所也將不能以自樂言必自是有危

亡之

禍

魚在在藻有頌其首

說文引頌 頌大首兒
魚以依蒲藻為得其性

箋云藻水艸也魚之依水艸猶人之依明王
也明王之時魚何所處乎處於藻既得其性

則肥充其首頽然此時人物皆得其王在在
所正言魚者以潛逃之類信其著見

鎬豈樂飲酒豈一作愷箋云豈亦樂也天
下平安萬物得其性武王何所

處乎處於鎬京樂八音之樂與羣臣飲酒而

已今幽王惑于褒姒萬物失其性方有危亡

之禍而亦豈樂飲酒于鎬京而無悛心故以

此刺焉補曰水經注渭水于槐里縣東流

又東北與鄠水合鄠池在昆明池北周武王

之所都也上言魚故此言鎬豈樂者軍捷之

樂飲酒則飲至也武王伐紂

還休于鎬今王用兵而召亂

魚在在藻有莘其尾莘長王在在鎬飲酒樂

豈

魚在在藻依于其蒲補曰魚依蒲以自蔭王

在在鎬有那其居箋云那安兒天下平安王無四方之虞故其居處那

然安也補曰那居者所謂定天保依天室

魚藻三章章四句

采叔刺幽王也 侮慢諸侯諸侯來朝不

能錫命以禮數徵會之而無信義君子見

微而思古焉幽王徵會諸侯為合義兵征討有罪既往而無之是於義

事不信也君子見其如此知其後必見攻伐將無救也

采叔采叔筐之筥之

叔一作菽興也叔所以筥太牢而待君子也

羊則芻豕則薇箋云叔大豆也采之者采其

葉以為藿三牲牛羊豕牛芻以藿王饗賓客

有生俎乃用鉶羹故使采之補曰筐筥者

歸饗餼米器也蓋二代之後用筐諸侯用筥

牲物先備唯叔芻君子來朝何錫予之雖無

時采故丁甯言之

予之路車乘馬

予白虎通引作與君子謂諸侯也箋云賜諸侯以車馬

言雖無予之尚以為薄補又何予之玄衮

日車馬常賜故自謂其無予

及黼

玄衮卷龍也白與黑謂之黼箋云及與也玄衮玄衣而畫以卷龍也黼黼黻謂

絺衣也諸公之服自衮冕而下侯伯自鷩冕

而下子男自毳冕而下王之賜維用有文章

者補曰及逮也特言玄衮則凡衮不玄也

諸侯青赤色以下為章衮蓋主於青故曰山

龍青也五等皆賜衮謂之褒衣春秋葬子男

皆稱公記曰公襲衮衣是也二王後及一相

二伯乃有玄衮天子之衮也黼裳絺冕繡黼

之裳狐卿之服秦風所謂繡裳言五等及三

監皆有賜覲禮天子賜侯氏以

車服諸公奉篋服加命書上

鬻沸檻泉言采其芹說文引鬻又引作澤檻

泉正出箋云言我也芹菜也可以為菹亦所

用待君子也我使采其水中芹者尚潔清也

周禮芹菹雁醢君子來朝言觀其旂箋云諸

補曰將饗之

王使人迎之因觀其衣服車乘之威儀所以

為敬且省禍福也補曰諸侯朝車載龍旂

我觀之者王親逆之其旂淠淠鸞聲嘒嘒載言於朝日設饗醴之

驂載駟君子所屆淠淠動也嘒嘒中節也箋云屆極也諸侯將朝王則

也言其尊而王今不尊也補曰鸞聲王之

路也驂謂齊僕齊右與王而三也朝覲宗遇饗食王皆乘金路送逆屆至也有禮故至

赤市在股邪幅在下市白虎通引作紩諸侯赤市邪幅幅偏也所

以自偏束也箋云市太古蔽膝之象也冕服謂之市其他服謂之鞞以韋為之其制上廣

一尺下廣二尺長三尺其頸五寸肩革帶博二寸脛本曰股邪幅如今行滕也偏束其脛

自足至膝故曰在下補曰赤市在裳而必

言股示褰裳趨事軍容也古者不袴不鞞軍

士則綉而不裳優尊者以邪幅纏足耳車中
不舄單履施邪幅故見其在下也邪餘也蓋

以裳帛餘幅爲之彼交匪紓天子所予彼荀子引作匪紓緩也

箋云彼與人交接自偏束如此則非有解怠
舒緩之心天子以是故賜予之補曰交邦

交朝樂只君子天子命之樂只君子福祿申
王也

之申重也箋云只之言是也古者天子賜諸
侯也以禮樂樂之乃後命予之也天子賜

之神則以福祿申重之所謂
人謀鬼謀也刺今王不然

維柞之枝其葉蓬蓬蓬蓬盛兒箋云此與也
柞之幹猶先祖也枝猶

子孫也其葉蓬蓬喻賢才也正以柞爲興者
柞之葉新葉將生故乃落於地以喻繼世以

德相承者明也樂只君子殿天子之邦殿填也補

樂只君子萬福攸同平平左右亦是率從平韓

作便左傳引作便蕃平平辯治也箋云率

循也諸侯之有賢才之德能辯治其連屬之

國使得其所則連屬之國亦循順之

汎汎楊舟紼纒維之紼絳也纒綏也明王能

之舟浮於水上汎汎然東西無所定舟人以

紼繫其綏以制行之猶諸侯之治民御之以

禮法補曰言諸侯樂只君子天子葵之葵

叛服無常當相聯絡補曰言諸侯樂只君子天子葵之葵

也補曰揆度其樂只君子福祿臝之臝韓

宜故加厚於來者樂只君子福祿臝之作臝

厚也腴優哉游哉亦是戾矣游韓作柔戾至也箋云戾止也諸

侯有盛德者亦優游自安止於是言思不出補曰言厚於來者則不來者亦將至也

采叔五章章八句

角弓父兄刺幽王也

補曰父兄領宗室者禮曰諸父諸兄守貴

室子弟守下宮下室

不親九族而好讒佞骨肉相

怨故作是詩也

駢駢角弓翩其反矣

駢說文引作解陸德明云說文作弭興也駢

駢調和也不善繼繫巧用則翩然而反箋云興者喻王與九族不以恩禮御待之則使之

多怨也 兄弟昏姻無胥遠矣 箋云胥相也骨肉之親當相親信無

相疏遠相疏遠則以親親之望易以成怨

爾之遠矣民胥然矣 箋云爾女女幽王也胥皆也言女不親骨肉則

天下之人皆如之 爾之教矣民胥效矣 白虎通引

補曰民謂族人 欲民斯效 箋云凡女之教令無善無惡所

尚者天下之人皆學之言上之化下不可不

慎 補曰效見也王用善教則族人皆自見誠 此令兄弟綽綽有裕不令兄弟交相為瘉 綽綽

寬也裕饒也瘉病也箋云令善也

民之無良相怨一方民韓作人劉向引人而

之意不獲當反責之於身思彼所以然者而

怨之無善心之人則徒居一處怨恚之

曰方偏也言族人怨王受爵不讓至于已斯

雖不善亦有一偏之理

亡爵祿不以相讓故怨禍及之比周而黨愈

此也

猶受不讓故怨望生亂至亡身而不恤甚言

族之當用恩也

老馬反為駒不顧其後已老矣而孩童慢之

人反侮慢之遇之如幼穉不自顧念後至年

老人之遇已亦將然

也反車在馬前也記曰始駕馬者反之使駒
反在後者為調率此駒也今不能顧後言老

馬不能教駒喻父兄不能收族如食宜餽如酌孔取宜一作儀韓同

餽說文引餽餽飽也箋云王如食老者則

宜令之飽如飲老者則當孔取孔取謂度其

所勝多少凡器之孔其量大小不同老者氣

力弱故取義焉王者有族食族燕之禮補

曰食酌言如者刺王不與族人食燕也族食

則有餽如燕之無算爵凡勸其飽以恩之酌

謂燕而旅酬令自酌也孔甚

也甚獸也各令獸其意以取

母教猱升木如塗塗附猱蝮屬塗泥附著也箋云母禁詞猱之性

善登木若教使其為之必能也附木桴也塗

之性善著若以塗附其著亦必也以喻人之

心皆有仁義教之則進補曰毋無也孫升
木不待教亦不能教非如駒之可反以喻族
人怨叛則不待父兄教也塗印泥也附當爲
符符印散文通耳印泥之印符璽此印彼顯
如族人之應王心君子有徽猷小人與屬
云徽美也箋
君子有美道以得聲譽則小人亦樂與之而
自連屬焉今無良之人相怨王不教之補
曰小人父兄自謂也族人唯應王心故冀王
有美道則吾等小人亦得用恩意與之相連
屬

雨雪濼濼見睨曰消

濼見韓作庶曠曰作聿
說文引濼睨
睨日氣

也箋云雨雪之盛濼濼然至日將出其氣始
見人則皆稱曰雪今消釋矣喻小人雖多王

若欲興善政則天下聞之莫不曰小人今誅滅矣其所以然者人心皆樂善王不啟教之

阻彼始集此已盛皆可散補曰雨雪頰弁以喻疑莫有下遺式居婁

驕箋云莫無也遺讀曰隨式用也婁斂也今王不以善政啟小人之心則無有謙虛以

禮相卑下先人而後己用此自居處斂其驕慢之過者補曰遺讀為遂下遂言王恩下

遂於族人也居倨婁數也族入式倨而數驕

雨雪浮浮見覲曰流浮浮猶濇濇也流流而去也補曰浮浮積雪

兒如蠻如髦我是用憂蠻南蠻也髦夷髦也箋云今小人之行如

夷狄而王不能變化之我用是為大憂也髦補

西夷別名武王伐紂其等有八國從焉補

曰宗族如讐敵
言族人怨恨甚

角弓八章章四句

菀柳刺幽王也 暴虐無親而刑罰不中

諸侯皆不欲朝言王者之不可朝事也

有菀者柳不尙息焉 興也菀茂木也箋云尙庶幾也有菀然枝葉茂

盛之柳行路之人豈有不庶幾欲就之止息乎興者喻王有盛德則天下皆庶幾願往朝

焉憂今 上帝甚蹈無自暱焉 陶 蹈韓作惛又作

也箋云蹈讀曰悼上帝乎者愬之也今幽王暴虐不可以朝事使我心中悼病是以不從

而近之釋己所以不朝之意補曰上帝明
堂帝也呼而愬今王蹈當為滔過也疑也

俾子靖之後子極焉靖治極至也箋云靖謀
俾使極誅也假使我朝

王王雷我使我謀政事王信讒不察功考績
後反誅放我是言王刑罰不中不可朝事也

朝亦使賢臣謀之及與期約而復反復使我
窮也人主之過莫大乎使忠良不

相保而無以自立誅戮未為傷也

有苑者柳不尙渴焉渴息上帝甚蹈無自瘵

焉瘵病也箋云瘵接也俾子靖之後子邁焉

箋云邁行也行亦放也春秋傳曰子將行之
補曰邁更有他往及行相過之詞也後不

從予謀所行離騷所謂後悔遯而有他

有鳥高飛亦傳于天

補曰鳥喻諸侯也高飛遠叛不朝也沔水所謂

載揚天喻朝廷也傅附著也鳥雖飛不能出天外諸侯亦不能無主

彼人之心

于何其臻

箋云傅臻皆至也彼人斥幽王也鳥之高飛極至于天耳幽王之心

於何所至乎言其轉側無常人不知其所居補曰彼人謂諸侯也諸侯不朝當服其心

曷予靖之居以凶矜

曷害矜危也箋云王何為使我謀之隨而罪我

居我以凶危之地謂四裔也

補曰曷何不也何不與我謀之而使諸侯居然成凶禍乎

矜子也諸侯叛則王孤立如鰥

菀柳三章章六句

都人士周人刺衣服無常也補曰刺貴人不能教子女

古者長民衣服不貳從容有常以齊其

民則民德歸壹傷今不復見古人也服謂冠弁

衣裳也古者明王時也長民謂凡在民上倡率者變易無常謂之貳從容謂休燕也

休燕猶有常則朝夕明矣壹者專也同也補曰貳讀為忒從容猶動容容止有常

彼都人士狐裘黃黃彼彼明王也箋云城郭之域曰都古明王時都

人之有士行者冬則衣狐裘黃黃然取溫裕而已補曰都王子弟所封邑人羣吏士未

仕者蜡則狐裘黃衣言黃黃者自王以下同服也明農教鄉子弟於此選士故推本其時

之**其容不改出言有章**箋云其動作容兒既

法度文章疾今奢淫不自責以過差**行歸**補曰養老乞言惇史記之故有章也

于周萬民所望周忠信也箋云于於也都人

萬民寡識者咸瞻望而法效之又疾今不然

補曰行長民者之行也諸侯曰萬民采邑

諸侯修教飭行於**彼都人士臺笠緇撮**臺所以禦暑笠所以禦

雨也緇撮緇布冠也箋**冠**云臺夫須也都人之士以臺皮為笠緇布為

章言冠笄之男女也學子入大學不以車馬
 則擔簦戴笠緇布始冠之冠撮會也鄭眾說
 以五采束髮童子錦束髮謂之紒言始冠者
 緇未冠者撮皆卿大夫士之子入學者臺笠
 造士入學者太學
 之子唯此二者
 也箋云彼君子女者謂都人之家女也其情
 性密緻操行正直如髮之本末無隆殺也
 補曰君子長民者也於士言都人於女言君
 子男貴質女貴文也綢韜也韜髮纒也直蓋
 掃也笄橫掃直男言笄故女言掃掃蓋唯貴
 女乃有耳如順也以纒笄順髮明女初笄也
 我不見兮我心不說
 箋云疾時皆奢淫我不
 復見今士女之然者心

思之而憂也
 說釋也言此非難見
 補曰

彼都人士充耳琇實

琇美石也箋云言以美石為瑱瑱塞耳

此言成人男女已仕嫁者也亦曰士女者推本言之充耳以石大夫皮弁天子之朝服

彼君子女謂之尹吉

尹正也箋云吉讀為姑尹氏姑氏周室昏姻之

舊姓也人見都人之家女咸謂之尹氏姑氏之女言有禮法

曰迨其謂之言可

我不見兮我心苑結

苑結

屈也積也補曰刺今已仕嫁者不任其職事

彼都人士垂帶而厲

厲帶之垂者箋云而亦如也而厲如鞶厲也鞶

必垂厲以為飾厲字當作裂

此言幼男女也垂厲幼男佩鞶革者

彼君子

女卷髮如蠹箋云蠹螿蟲也尾末捷然似婦人髮末曲上卷然補曰卷髮

幼女未笄者記曰燕則鬢首謂依童女飾我不見兮言從之邁箋云

言亦我也邁行也我今不見士女此飾心思之欲從之行言已憂悶欲自殺求從古人

補曰之是也將從此行言無禮之國不可居也幼而失教長必無忠信行

匪伊垂之帶則有餘箋云伊詞也此言士非故垂此帶也帶於禮自

當有餘也補曰丁寧於幼男女者見教之當裕也伊維也非唯垂之鞞厲又教之以其

垂之之故言人勝帶則匪伊卷之髮則有旗

禮當有餘故加佩也旗揚也箋云女非故卷此髮也髮於禮自當有旗也旗枝旗揚起也補曰旗之言容與

我不見兮云何盱矣箋云盱病思之甚云何乎我今已病也

都人士五章章六句

采綠刺怨曠也 幽王之時多怨曠者也

怨曠者君子行役過時之所由而刺之者幾其不但憂思而已欲從君子于外非禮也

終朝采綠不盈一掬興也自旦及食時為終朝兩手曰掬箋云綠王

芻也易得之菜也終朝采之而不滿一手怨曠之深憂思不專於事補曰綠當為萁萁

艸可以染畱黃喻采擇女色也終朝采之而謂不盈掬言選進無厭予髮曲局

薄言歸沐局卷也婦人夫不在則不容飾箋云言我也禮婦人在夫家笄象笄

今曲卷其髮憂思之甚也有云君子將歸者我則沐以待之補曰髮曲鬢首猶處子也

歸饋也王采進嬪御多不得幸女猶

鬢首勉相與饋遺膏沐以待進御耳

終朝采藍不盈一襜染衣蔽前謂之襜箋云藍染艸也補曰藍婦官

染采之上色喻已備嬪御五日為期六日不

者也襜無袖背執事之服

簷乃怨曠五日六日者五月之日六月之日

也期至五月而歸今六月猶不至是以憂思

補曰天子九九而御十五日而徧云五日

者御女之日期大數也妃妾有名位乃有五

日之期簷讀為瞻給也王舍正禮別求豔色

豈不足五日之御乎乃雖更分之

展至六日猶不徧給言婦官亦多

之子于狩言韋其弓之子于釣言綸之繩箋云

之子是子也謂其君子也于往也綸釣繫也

君子往狩與我當從之為之韋弓其往釣與

我當從之為之繩繳今怨曠自恨初行時不

然補曰狩釣以喻采進外女也言我也韋

殺也綸讀為爺以杼貫絲也諫王不宜漁色

警將往狩我則殺其弓使不得狩將往釣我

則爺其繩

使不得釣

其釣維何維魴及鱣

補曰專言釣者魚陰類於意尤顯易曰貫魚宮

人維魴及鱣薄言觀者

者韓作觀箋云觀多也此美其君子之

有技藝也釣必得魴鱣補曰言我也者當為

其眾襍魚乃眾多矣補曰言我也者當為

覩魴鱉從嫁之貴妾言王自有正數從嫁來者我覩之已為多矣

采綠四章章四句

黍苗刺幽王也 不能膏潤天下卿士不

能行召伯之職焉 陳宣王之德召伯之功以刺幽王及其羣臣廢

此恩澤事業也 補曰刺王開怨於申以失南伯廢宣王疆理之意

芄芄黍苗陰雨膏之 興也芄芄長大兒箋云興者喻天下之民如黍

苗然宣王能以恩澤育養之亦如天之有陰雨之潤 補曰黍今高粱也大暑時種待雨

尤切悠悠南行召伯勞之 悠悠行兒箋云宣王之時使召伯營謝邑

以定申伯之國將徒役南行眾多悠悠然召
伯則能勞來勸說以先之補曰南行者申

伯也召伯猶勞之者三公勤王事封申凡以
為國計今號石父為卿乃阿意廢申故刺之

我任我輦我車我牛任者輦者車者牛者箋云營謝轉餽之役有負

任者有輓輦者有將車者有牽犂牛者我補曰我我王朝也言先王封申勞費不易

行既集蓋云歸哉箋云集猶成也蓋猶皆也其所為南行之事既成召

伯則皆告之云可歸哉刺今王使民行役曾
無休止時補曰蓋云者推其意也王遣役

行已集事特使申伯如歸
耳極陳封申非以為申也

我徒我御我師我旅徒行者御車者師者旅者箋云步行曰徒召伯

營謝邑以兵眾行其士卒有步行者有御兵車者五百人為旅五旅為師春秋傳曰諸侯之制君行師從卿行旅從補日補隼獨發徒役又勞王師

我行既集蓋

云補木也補日言令申伯補頌贊處申以屏王室

肅謝功召伯營之烈烈征師召伯成之謝邑

也箋云肅肅嚴正之兒營治也烈烈威武兒

征行也美召伯治謝邑則使之嚴正將師旅

行則有威武也補日征師申伯入謝之師

多從王卒故召伯成其行也言廢申墮先業

原隰既平泉流既清土治日平水治日清箋云召伯營謝邑相其原

隰之宜通其水泉之利補日言申鎮南土國富安

召伯有成王心則

寧

箋云此功既成宣王之心則安也又刺今王臣無功而亦心安補曰言王室將危

黍苗五章章四句

隰桑刺幽王也 小人在位君子在野思

見君子盡心以事之

隰桑有阿其葉有難

興也阿然美兒難然盛

中之桑枝條阿阿然長美其葉又茂盛可以庇蔭人興者喻時賢人君子不用而野處有覆養之德也正以隰桑興者反求此義則原上之桑枝葉不能然以刺時小人在位無德於民補曰曲陵曰阿林木茂密似阿也桑者宅樹今令在隰如阿而葉空盛無用既

見君子其樂如何

箋云思在野之君子而得見其在位喜樂無度

隰桑有阿其葉有沃

沃柔也少長時沃沃然

補曰既見君

子云何不樂

補曰重言得賢則樂以誘勸王

隰桑有阿其葉有幽

幽黑色也日將老黝黝然

補既見君

子德音孔膠

膠固也箋云君子在位民附仰之其教令之行甚堅固也

心乎愛矣遐不謂矣

補曰愛隱也力不能薦達但隱思之見其遠而

益勤於望

中心藏之何日忘之

箋云遐遠謂勤臧善也我心愛此君

子君子雖遠在野豈能不勤思之乎宜思之也我心善此君子又誠不能忘也孔子

愛

之能勿勞乎忠焉能勿誨乎
補曰王不知其善故忘之

隰桑四章章四句

白華周人刺幽后也

補曰幽后申后也幽王即位始得褒姒三

年而后廢蓋以妒也刺其始不能御又不能容言人倫之變非獨君父與夫之過小人賤妾尤不足責也

幽王取申女以為后又得褒

姒而黜申后故下國化之以妾為妻以孽

代宗而王弗能治周人為之作是詩也

申姜

姓之國也褒姒褒人所入之女姒其字也是謂幽后孽支庶也宗適子也王不能治

已不正故也補曰即欲治下國當刺王耳如傳意豈欲褒姒自貶退乎有是迂也

白華菅兮白茅束兮

興也白華野菅也已漚為菅箋云白華於野已

漚名之為菅菅柔忍中用矣而更取白茅收束之茅比於白華為脆興者喻王取於申申

后禮儀備任如后之事而更納褒姒褒姒為孽將至滅國補曰菅茅類也而茅用可重

以奉宗廟鬼神喻后也菅供服用而已喻妾也野菅喻外來之妾菅兮者言已入宮也是

乃白茅之所約束言之子之遠俾我獨兮箋

褒姒初入后當訓化

之子之遠俾我獨兮云

之子斥幽王也俾使也王之遠外我不復荅耦我意欲使我獨也老而無子曰獨後褒姒

譖申后之子宜咎宜咎奔申補曰夫寵之

而已妒之則王必遠后矣后之敢妒者恃當

尊且有子也遠而廢之則使之無子

英英白雲露彼菅茅

英韓作泱 英英白雲 兒露亦有雲言天地之

氣無微不著無不覆養箋云白雲下露養彼

可以為菅之茅使與白華之菅相亂易猶天

下妖氣生裊似使申后見黜 補曰有雲之

露霧類也菅亦露茅亦露且先菅焉喻王不

明亦愛后亦愛妾以為 **天步艱難之子不猶**

由己所寵或且先妾 **天步艱難之子不猶**

步行猶可也箋云猶圖也天行此艱難之妖

久矣王不圖其變之所由爾昔夏之衰有二

龍之妖卜藏其縻周厲王發而觀之化為玄

龍童女遇之當宣王時而生女懼而棄之後

褒人有獻而入之幽王幽王嬖之是謂褒姒

補曰天喻夫也天行難阻降災禍尋常之

所有夫若去妻亦未為大異也猶若也之子豈不猶天平乎所以忱勸之

澎池北流浸彼稻田

說文引澆沱澎流兒箋云池水之澤浸潤稻

田使之生殖喻王無恩意於申后澎池之不

如也豐鎬之間水北流補曰水經注澎池

水出瀉池西北流入于鎬又云王氏五侯引

他水入長安城李黼平說他水今本作泆水

泆即他也池水餘波可溉稻田嘯歌傷懷念

不為水損也喻后無妨容一妾彼碩人箋云碩大也妖大之人謂褒姒也申

補曰碩人后夫人之稱

念褒姒不見容傷后大德

樵彼桑薪叩烘于熨

叩我烘燎也熨焮竈也

桑薪宜以養人者也箋

云人之樵取彼桑薪宜以炊饗饁之饗以養
食人桑薪薪之善者也我反以燎於炷竈用
炤事物而已喻王始以禮取申后禮儀備今
反黜之使爲卑賤之事亦猶是補曰許慎
說烘爨也爨祭天之柴則桑薪貴薪也燧行
竈我樵桑薪以爨今用于行竈貴燧亦由人
意維彼碩人實勞我心補曰勞傷
后之將廢

鼓鐘于宮聲聞于外

鼓鐘韓作鐘鼓
宮中必形於外箋云王
有諸

失禮於內而下國聞知而化之王弗能治如
鳴鼓鐘于宮中而欲外人不聞亦不可止補

曰鼓鐘者立三夫人之禮也
言王欲貴衰姒外廷皆知之
念子懔懔視我

邁邁

邁韓作怖說文引同
邁邁不說也箋
云此言申后之忠於王也念之懔懔然

欲諫正之王反不說於其所言補曰子子
王也我申后也慄慄愁不安邁邁怖怖恨怒
也后之妒妾王先未敢思廢之則愁思不安
妒者以為畏己乃益恨怒於是激而成廢立
矣

有鶯在梁有鶴在林

鶯禿鶯也箋云鶯也鶴也皆以魚為美食者也

鶯之性貪惡而今在梁鶴絜白而反在林與王養衰姒而餒申后近惡而遠善補曰鶴

鳴子和喻太子也鶯喻白服在梁倚母寵在林當見放廢

維彼碩人實勞

我心

補曰丁甯以警勸后我心由申后妒故故念之而實勞

鴛鴦在梁戢其左翼

箋云戢斂也斂左翼者謂右掩左也鳥之雌雄

不可別者以翼右掩左雄左掩右雌陰陽相
下之義也夫婦之道亦以禮義相下以成家

道補曰凡云梁者嫡妻之子無良二三其

德箋云良善也王無荅耦己之善意而變易其心志令我怨曠補曰良首也太子未

定則后位亦
亦可二三

有扁斯石履之卑兮扁扁乘石皂王乘車履石箋云王后出入之禮

與王同其行登車亦履石申后始時亦然今也黜而卑賤補曰正言石者明后將見出

乃自此而卑非常出所履之子之遠俾我疾兮疾病也箋云王之遠

外我欲使我困病補曰后出則無所能妒但自病

白華八章章四句

繇蠻微臣刺亂也 大臣不用仁心遺忘

微賤不肖飲食教載之故作是詩也 微臣謂士

也古者卿大夫出行士為末介士之祿薄或困乏於資財則當調贖之幽王之時國

亂禮廢恩薄大不念小尊不恤賤故本其亂而刺之

繇蠻黃鳥止于丘阿 繇禮記引作緡興也繇蠻小鳥兒丘阿曲阿

也鳥止于阿人止于仁箋云止謂飛行所止託也興者小鳥知止于丘之曲阿靜安之處

而託息焉喻小臣擇卿大夫有仁厚之德者而依屬焉 補曰黃鳥皆喻昏姻此蓋亦出

使昏姻之國疑為申而使小鳥不能遠飛但
止于丘阿以喻小臣不宜遠出但供官府鄉
遂小職事耳世亂國危朝廷勢輕大臣憚遠
行則遣士往以為不足損國體而遠方疑沮
驕倨反益生道之云遠我勞如何箋云在國
事故明所止道之云遠我勞如何依屬於卿
大夫之仁者至於為末介從而行道遠矣
我罷勞則卿大夫之恩宜如何乎補曰曰
道遠者奉使列國也我勞云者為正使王臣
無聘禮而有出會春秋係子突於王人明王
人不可飲之食之教之誨之命彼後車謂之
總列國飲之食之教之誨之命彼後車謂之
載之箋云渴則予之飲饑則予之食事未至
則豫教之臨事則誨之車敗則命後車
載之後車倅車也補曰此言士但能為眾
介也禮歸饗餼至贈賄皆統于卿故出使飲

食皆卿賜也眾介皆從行故所載亦卿後車也今乃使小臣專使將委積館舍有時不具疑事無所稟命而無賓介眾介之等無後車之威儀

絲蠻黃鳥止于丘隅箋云丘隅丘角也補曰隅喻一曲之事豈

敢憚行畏不能趨箋云憚難也我罷勞車又敗豈敢難徒行乎畏不能

及時疾至也補曰趨讀為趣不能趣諸侯之事飲之食之教之誨

之命彼後車謂之載之

絲蠻黃鳥止于丘側箋云丘側丘旁也補曰側言卑不當尊豈

敢憚行畏不能極箋云極至也補曰兩言憚行者刺大臣之憚也畏

不能使諸侯至飲之食之教之誨之命彼後車謂之載之

絲蠻三章章八句

瓠葉大夫刺幽王也

補曰刺王廢學

上棄禮而不

能行雖有牲牢饗餼不冝用也故思古之

人不以微薄廢禮焉

牛羊豕為牲繫養者曰牢熟曰饗勝曰餼

生日牽不冝用者自養厚而薄於賓客

幡幡瓠葉采之烹之

幡幡瓠葉兒庶人之菜也箋云烹熟也熟瓠葉

者以為飲酒之菹也補曰一獻之禮君子
用牲則有鉶瓠葉蓋鉶補曰烹者羹定

有酒酌言嘗之箋云此君子謂庶人之有賢

以合朋友習禮講道藝也酒既成先與父兄
室人烹瓠葉而飲之所以急和親親也飲食

而曰嘗者以其為之主於賓客賓客則加之
以羞易兌象曰君子以朋友講習補曰君

子蓋學子也貴人之子以其家酒與朋友習
禮為將行鄉飲肆焉初試行禮故曰嘗也瓠

葉可采孟夏時也樂師習合
禮樂天子飲酌故此時有酒

有兔斯首炮之燔之毛曰炮加火曰燔箋云
斯白也今俗語斯白之

字作鮮齊魯之間聲近斯有兔白首者兔之
小者也炮之燔之者將以為飲酒之羞也

補曰兔蓋所以代狗也有之者分田禽也試
習禮故不殺以瓠葉為羹以燔兔為牲而已

言斯首則用全也用全者
當用俎蓋人各一兔焉
君子有酒酌言獻

之 獻奏也箋云飲酒之禮既奏酒於賓乃薦
羞每酌言言者禮不下庶人庶人依土禮

立賓主為酌名 補曰獻
獻賓也一獻之禮文自明

有兔斯首燔之炙之 抗火曰炙箋云凡治兔
之宜鮮者毛炮之柔者

炙之乾者燔之 補曰炙
亦炮也以主人俎謙言炙
君子有酒酌言酢

之 酢報也箋云報者賓既卒爵洗而
酌主人也 補曰酢時進主人俎

有兔斯首燔之炮之 補曰眾
賓俎也
君子有酒酌言

疇之

疇道飲也箋云主人既卒酢爵又酌自飲卒爵復酌進賓猶今俗之勸酒補

日賓受疇行之於是進眾賓俎極言此者無學則無禮賢者不復進用

瓠葉四章章四句

漸漸之石下國刺幽王也

戎狄叛之荆

舒不至乃命將率東征役久病於外故作

是詩也

荆謂楚也舒舒鳩舒邾舒庸之屬役謂士卒也

漸漸之石維其高矣

漸漸山石高峻箋云山石漸漸然高峻不可登

而上喻戎狄眾彊而無禮義不可得而伐也

山川悠遠維其勞矣

箋云山川者荆舒之國所處也其道里長遠邦域又勞勞廣闊言不可卒服武人

東征不皇朝矣箋云武人謂將率也皇正也將率受王命東行而征伐役

人罷病必不能正荆舒使之朝于王補曰

刺王師之不武也雖武人不能正之使朝言

當修德非用兵之事今以

庸將將罷軍徒辱國損威

漸漸之石維其卒矣山川悠遠曷其沒矣卒

沒盡也箋云卒者崔嵬也謂山顛之末也曷

何也廣闊之處何時其可盡服補曰言不

能深武人東征不皇出矣箋云不能正之令

人出使聘問於王

有豕白蹄烝涉波矣豕豬也蹄蹄也將久雨

眾也豕之性能水又唐突難禁制四蹄皆白
 曰駭則白蹄其尤躁疾者今離其槽牧之處
 與眾豕涉入水之波瀾矣喻荆舒之人勇悍
 捷疾其君猶白蹄之豕也乃率民去禮義之
 安而居亂亡之危賤之故比方於豕補曰
 豕野彘也其性善登山波水涌流也豕雖不
 能水若迫之眾涉亦有使水涌波起補曰
 喻戎狄雖逃竄有時能犯順敗王師補曰
畢俾滂沱矣沱史記引作池畢囑也月離
陰星則雨箋云將有大雨徵氣
 先見於天以言荆舒之叛萌漸亦由王出也
 豕既涉波今又雨使之滂沱疾王甚也補
 曰離次也月次于畢謂建巳之月日在武人
 畢東南卑濕入夏多雨師人役厲將起武人
東征不皇他矣箋云不能正之令其守職不
干王命補曰不能正之且

將有他變也
言師宜早罷

漸漸之石三章章六句

茗之華大夫閔時也

補曰閔君臣不知將危亡

幽王

之時西戎東夷交侵中國師旅竝起因之

以饑饉君子閔周室之將亡傷已逢之故

作是詩也

師旅竝起者諸侯或出師或出旅以助王距戎與夷也大夫將

師出見戎夷之侵周而閔之今當其難自傷近危亡

茗之華芸其黃矣

興也茗陵茗也將落則黃箋云陵茗之華紫赤而餘

興者陵苕之幹喻如京師也其華猶諸夏也

故或謂諸夏為諸華華衰則黃猶諸夏之師

罷病將敗則京師孤弱補曰苕黃華葉白

華芟葉尤易高茂然艸本不堅實也芸然盛

兒喻周雖尊箋云傷者心之憂矣維其傷矣謂國日見

盛其實空虛謂國日見侵削補曰君怙其威

臣狃於安故獨憂傷心

苕之華其葉青青華落葉青青然箋云京師

華衰而葉見青青然喻諸侯微弱而王之臣

當出見也補曰喻王臣不知憂尚自謂榮

知我如此不如無生無蔡邕引作勿箋云

我我王也知王之為政

如此則己之生不如不生也自傷逢今世之

難憂悶之甚補曰我大夫自我此此苕葉

無生者危
亂之至

咩羊墳首三星在鬻

咩羊牝羊也墳大也鬻曲梁寡婦之笱也咩羊

墳首言無是道也三星在鬻言不可久也箋

云無是道者喻周已衰求其復興不可得也

不可久者喻周將亡如心星之光耀見於魚

笱之中其去須臾也補曰墳當為笱牡羊

為笱牝羊為咩牧羊者以老牡羊為率所謂

首也以牝咩率牡笱則不能行喻王臣庸暗

不可以率諸侯也心為天王明堂鬻柳也誰

火周之分野言明堂布政之三星僅守其分

野同於人

可以食鮮可以飽

治日少而亂日多箋云今者士

卒人人於晏早皆可以食矣時饑饉軍興乏

少無可以飽之者補曰人謂侯國朝聘者

不飽者不能長高
之譏諸臣但貪祿

苕之華三章章四句

何草不黃下國刺幽王也 四夷交侵中

國背叛用兵不息視民如禽獸君子憂之

故作是詩也 補曰詩無視
民禽獸之詞

何草不黃何日不行 箋云用兵不息軍旅自
歲始艸生而出至歲晚

矣何草而不黃乎言 草皆黃也于是之間將
帥何日不行乎言常
行勞苦之甚 補曰草

為入踐則黃 言
征役之徧 何人不將經營四方 言萬民無
不從役

補曰刺其專務於外

何草不玄何人不矜

矜韓作鰥 箋云玄赤黑色始春之時草芽櫟

者將生必玄於此時也兵猶復行無妻曰矜

從役者皆過時不得歸故謂之矜 補曰玄

即幽也野曠無人但見深艸言田萊 哀我征

農荒居人寥落不保室家故皆矜矣

夫獨為匪民 箋云征夫從役者也古者師出

艸玄至于黃黃至于玄此豈非民乎 補曰

天下之亂民亂也不恤民而重役民則民愈

思 叛

匪兕匪虎率彼曠野

兕虎野獸也曠空也 補曰兕虎猛獸喻民不

堪戰而驅之空曠奔亡之道也

哀我征夫朝夕不暇

補曰朝夕侯國

之職不暇者不能成邦交

有芄者狐率彼幽草

芄小獸兒箋云狐艸行艸止故以比棧車輦者

補曰狐以喻貴人今毛芄

戎而入幽艸言大夫唯自免

有棧之車行彼

周道

棧車役車也

補曰士乘棧車大夫不出使士奉使而行言周道者藝王室也

何草不黃四章四句

魚藻之什十四篇六十二章三百二句

小雅七

詩十五

文王之什毛詩詁訓傳第廿三 大雅一

詩十六 鄭氏箋 王氏補箋

文王文王受命作周也 受命受天命而王天下制立周邦

補曰言封諸侯新舊並用之意

文王在上於昭于天 昭見也箋云文王初為

西伯有功於民其德著見於天故天命之以

為王使君天下也 窋以來與中國隔絕至王季殷朝以州伯遙

封之羈縻而已 文王乃受西伯之命而入朝 紂以為三公而欲殺之得歸遂與紂絕以 其木長西戎故遂稱王焉上謂明堂也 周

雖舊邦其命維新乃新在文王也箋云大王

起矣而未有天命至文王有周不顯帝命不

而受命言新者美之也顯光也不時時也時

時是也箋云周之德不光明乎光明矣天命

之不是乎又是矣補曰不詞也字亦作不

時承也君奭曰後人于不時孟子引書曰不

顯哉文王謨丕承哉武王烈帝謂文王陟降

殷帝乙也受命代殷若承帝乙文王陟降

在帝左右言文王升接天下接人也箋云在

從而行之補曰陟文為天子降紂為

獨夫是非革命乃察殷帝而助之耳

亶亶文王令聞不已亶亶勉也

箋云令善也勉勉乎文

王之勤用明德也其善聲
聞日見稱歌無止時也
陳錫哉周侯文王

孫子哉一作載非
侯君也乃由能敷恩惠之施以受命造

始周國故文王孫子本支百世本本宗也支

天下君之天子庶為諸侯皆百世凡周之士不顯亦世不世

乎仕者世祿也箋云凡周之士謂其臣有光
明之德者亦得世世在位重其功也補曰

謂功臣與同姓并封

世之不顯厥猶翼翼思皇多士生此王國翼翼

恭敬思詞也皇天箋云猶謀思願也周之臣
既世世光明其為君之謀事忠敬翼翼然又

願天多生賢人於此邦補曰言大封功臣

文王之謀甚敬慎也皇美也生猶立也思美

士乃立國之基王業王國克生維周之楨楨

之本兼殷周故多也箋云此邦能生之則是我周家幹事之濟

臣補曰立王國則周家亦立亦利私也濟

濟多士文王以寧濟濟多威儀也補曰言

任人則逸也誘勸後王以

利私家

便身圖

穆穆文王於緝熙敬止穆穆美也緝熙光明

也箋云穆穆乎文王

有天子之容於美乎又能敬其光明之德

補曰禮記說為人臣止於敬言德雖光明敬

守其假哉天命有商孫子假固也箋云堅固

臣禮哉天為此命之使

臣有殷之子孫補曰言不用賢則子孫不能百世商之孫子其麗不

億上帝既命侯于周服麗數也盛德不可為

之孫子其數不徒億多言之也至天已命文

王之後乃為君於周之九服之中言眾之不

如德也補曰上帝明堂五帝侯者亦

服周之服是王孫子反為周之楨也

侯服于周天命靡常則見天命之無常也箋

則去殷士膚敏裸將于京殷士殷侯也膚美

周人尚臭將行京大也箋云殷之臣壯美而

敏來助周祭補曰殷士非無賢乃甚美智

以殷不能用反為周用也裸京者事周宗廟

王子孫乃同於人子孫改商言殷者凡湯子

孫不在商邑者及其先厥作裸將常服黼吁

賢臣之後皆來助祭吁一作昂 黼白與黑也 吁殷冠也 夏后氏曰收周曰冕 箋云其助祭自服殷之服明文

王以德不以彊補曰常服玄端也 玄端三

裳故謂之裳服諸侯以上黼裳禮謂之襍裳

書亦謂之黼裳吁殷弁也周弁殷吁夏收殷

子弟未爵者服士服當玄端冠章甫今俱玄

端而用士弁之呵蓋特制也論語曰端章甫

齋衣朝冠殷士助祭侯國之制此吁端命冠

齋衣助祭天子之制玉藻所謂諸侯玄端以

祭亦助祭天子也蓋殷子弟有先封今未爵

者則服黼裳其本未王之蓋臣無念爾祖蓋

封者冠昂則服士裳也無念念也 箋云今王之進用臣當念女祖

為之法王斥成王補曰無讀為謨不用賢

則亡故當謀念
文王任賢之法

無念爾祖聿脩厥德永言配命自求多福

永長言我也我長配天命而行爾庶國亦當
自求多福箋云長猶常也王既述脩祖德常

言當配天命而殷之未喪師克配上帝帝乙

行則福祿自來也箋云師眾也殷自紂父之前未喪
天下之時皆能配天而行故不亡也宜鑒于

殷駿命不易宜禮記引作儀鑒漢書引作監
駿大也箋云宜以殷王賢愚

為鏡天之大命不可改易
則大命不改禮記說得眾則得失眾則失也

命之不易無遐爾躬宣昭義問有虞殷自天

過一作謁過止義善虞度也箋云宣徧有

又也天之命已不可改易矣當使子孫長

行之無終女身則止徧明以禮義問老成人

又度殷所以順天之事而施行之補曰以

上極言用賢故更責王躬也自上天之載無

從也度殷從天之往事而問之

聲無臭儀刑文王萬邦作孚載楊雄引作緯

載事刑法孚信也箋云天之道難知也耳

不聞聲音鼻不聞香臭儀法文王之事則天

下咸信而順之補曰殷人尚聲周人尚臭

然事上天不在此但擬法文王則可作孚萬

國也孚菀子之名翼覆萬國如大

雞孚卯王能刑之乃可撫天下

文王七章章八句

大明文王有明德故天復命武王也

二聖相承

其明德日以廣大故曰大明

明明在下赫赫在上

明明察也文王之德明

于天箋云明明者文王武王施明德于天下其徵應炤哲見于天謂三辰效驗

謂侯國上天難忱斯不易維王天位殷適使

不挾四方

忱韓作諶位作謂挾作俠與忱信也紂居天位而殷之正適也挾達

也箋云天之意難信矣不可改易者天子也今紂居天位而又殷之正適也以其為惡乃棄絕之使教令不行于四方四方共叛之是天命無常為德是予耳言此者厚美周也

補曰不易者易是
可忱者難忱

摯仲氏任自彼殷商來嫁于周

摯國任姓之中女也

曰摯太皞之後云自商來者大王以前與中國阻絕王季受命作伯故殷王命摯與結昏

此篇主言適嗣因述母德曰嬪于京乃及王

殷商者殷已遷都商之後

季維德之行嬪婦京大也王季大王之子文

別名也及與也摯國中女曰大任從殷商之

畿內嫁為婦於周之京配王季而與之共行

仁義之德同志意也補曰京公劉所居邑

也大王時没于狄後乃取而都焉言曰嬪者

明太任之來在

王季即位後

天賦命

王出

二

大任有身生此文王

大任仲任也身重也箋云重謂懷孕也補曰

改仲稱大王季即位當尊也有又也又重之以德言非獨佐王季已又實有母德非詠有

也孕維此文王小心翼翼昭事上帝聿懷多福

箋云小心翼翼恭慎兒昭明聿述懷思也

補曰上帝明堂五帝多福謂爵位也文王生

當受命以小心故乃服事厥德不回以受方

殷受其多福是誠不回也

國回違也箋云方國四方來附者此言文王之有德亦由父母也補曰方西方言作

西伯

天監在下有命既集文王初載天作之合集就

載識合配也箋云天監視善惡于下其命將

有所依就則豫福助之於文王生適有所識

則為之生配于氣勢之處使必有賢才謂生

太姒補曰下下國有又也又已就命謂再

世結昏於上國也初載初即位之年也天喻

殷王也命有莘與周結昏以和西垂是謂作

合在洽之陽在渭之涘洽說文引作郃

補曰水經注河水逕郃陽城東應劭說郃

水之陽故有莘邑太姒之國城南有澆水東

流注河去城十五里即郃水也渭在郃地

相去遼遠中隔漆沮言二國絕不相通

文王嘉止大邦有子嘉美也箋云文王聞太

姒之賢則美之曰大邦

有女子可以為妃乃求昏補曰嘉嘉禮言

文王即位當立夫人也殷帝命云大邦有子

文王即位當立夫人也殷帝命云大邦有子

言可昏也莘夏后之後爵蓋上公故曰大
邦女賢不聞鄰國昏禮不稱主人箋非

邦有子倪天之妹倪韓作磬說文引倪
譬也箋云既使問名還則倪

卜之又知太姒之賢尊之如天之有女弟

補曰王主其昏故如天妹也昏姻曰兄弟故

不曰天女後世和親取貴文定厥祥言太姒

臣女名之公主此其始與文定厥祥之有文

德也祥善也箋云問名之後卜而得吉則文

王以禮定其吉祥謂納幣也補曰文禮文

祥詳也文王始重親迎于渭言賢聖之配也

親迎其儀文詳審親迎于渭箋云賢女配聖

人得其宜故備禮也補造舟為梁不顯其

日渭周東界言俟于境上補造舟為梁不顯其

光言受命之宜王基乃始於是也天子造舟

諸侯維舟大夫方舟士特舟造舟然後可

以顯其光輝箋云迎大姒而更爲梁者欲其昭著示後世敬昏禮也不明乎其禮之有光輝美之也天子造舟周制也殷時未有等制補曰莘女王者後備天子禮故造舟也周人久居西戎初見中國王禮故美盛之韓侯居百蠻取王卿女亦曰不顯其光

有命自天命此文王于周于京箋云天爲將命文王君天

下於周京之地故亦爲作合補曰有又也

殷王已命文王爲西伯又命西伯作京于周

乃成王業也幽之有京地名續女維莘長子

耳文王乃真于周而爲京

維行續繼也莘太姒國也長子長女也維行

莘國之長女太姒則配文王維德之行補

曰女正妻昏詞也自周以前世及不常賢親

並嗣故公子不昏他國之君女文王元妃生

伯邑考不為貴嫡也繼娶莘女所生雖非長

子而有長子之行行篤生武王篤厚箋云天

道也子以母貴之道補曰保右命爾變伐大商

厚生聖子武王補曰保右命爾變伐大商

貴嫡相承受命是厚也保右命爾變伐大商

右助變和也箋云安而助之又遂命之使爾

協和伐殷之事協和伐殷之事謂合位三五

也補曰云爾者推天意也世

嫡相承以代殷嫡終言天難忱

殷商之旅其會如林會說文引作檜建大木

敵旅眾也如林言眾而不為用也補曰

八百諸侯會師盟津亦殷旅也加殷者紂又

徵外矢于牧野維予侯興下之望周也箋云

兵也矢于牧野維予侯興下之望周也箋云

殷盛合其兵眾陳于商郊之牧野而天乃予

諸侯有德者當起為天子言天去紂周師勝

也補曰矢誓予與也作牧誓與諸侯上帝

興師伐紂是時周已稱王不得云侯起上帝

臨女無貳爾心言無敢懷貳心也箋云臨視

紂必克無有疑心補曰上

帝明堂五帝言當受命無疑

牧野洋洋檀車煌煌駟彭彭煌韓作皇

煌明也驪馬白腹曰駟言上周下殷也箋云

言其戰地寬廣明不用權詐也兵車鮮明馬

又強則維師尚父時維鷹揚涼彼武王涼一

暇且整韓作亮師大師也尚父可尚父鷹揚如

鷹之飛揚也涼佐也箋云尚父呂望也尊稱

焉鷹摯鳥也佐武王者爲之上將也補曰
鷹之揚盤旋審重如周師之止齊待紂自潰
也王照圓說揚亦鳥名爾正所謂揚白鷹今
鷄也說似是而非言尚父者武王娶邑姜亦
本后家之助不顯言肆伐大商會朝清明
者作詩時姜后存疾
也會甲也不崇朝而天下清明箋云肆故今
也會合也以天期已至兵甲之強師帥之武
故今伐殷合兵以清明書牧誓曰時甲子昧
爽武王朝至于商郊牧野乃誓補曰肆遂
也會讀若發旦之發噲噲明
時而往遂定天下除昏暴焉

大明八章四章章六句四章章八句

緜文王之興本大王也

一作本由大王

縣縣瓜瓞民之初生自土漆沮

漆沮一作沮
漆土漢書引

作杜興也縣縣不絕兒瓜瓞瓜紹也瓞瓞

也民周民也自用土居也漆沮水也箋云瓜

之本實繼先歲之瓜必小狀似瓞故謂之瓞

縣縣然若將無長大時興者喻后稷乃帝嚳

之胄封於郃其後公劉失職遷于豳居漆沮

之地歷世亦縣縣然至大王而德益盛得其

民心而生王業故本周之興云于漆沮也

補曰漆沮一水名或亦以所合水分名之今

朝邑南入河者也自不窋竄慶陽公劉居京

兼取豳地古公先失豳後棄京益南徙失其

故民故其初生自土于漆沮始

古公亶父陶

也土度也度荒土而墾居之

復陶穴未有家室

復說文引作窳古公豳
公也古言久也亶父字或

殷以名言質也古公處豳狄人侵之事之以
皮幣不得免焉事之以犬馬不得免焉事之
以珠玉不得免焉乃屬其耆老而告之曰狄
人之所欲吾土地吾聞之君子不以其所養
人而害人二三子何患無君去之踰梁山邑
于岐山之下豳人曰仁人之君不可失也從
之如歸市陶其土而復之陶其壤而穴之室
內曰家未有寢廟亦未敢有家室箋云古公
據文王本其祖也諸侯之臣稱君曰公復者
復于土上也鑿地曰穴皆如陶然本其在豳
時傳自古公處豳而下爲二章發補曰此
言縣縣之狀也古公初時國頻被狄寇京廬
旅燬矣民僅鑿坯以棲未有家室之樂古公
此時未成國比於附庸故稱字必字之者言
古公無家
則不詞

古公亶父來朝走馬

箋云來朝走馬言其辟惡早且疾也

補曰來

邠民來也朝朝其耆老也朝臣民而告之遂走馬而去言不再計

率西水澣

至于岐下爰及姜女聿來胥宇

胥新序引作相率循也

澣水厓也姜女大姜也胥相宇居也箋云循西水厓漆沮水側也爰於及與聿自也於是

與其妃大姜自來相可居者著大姜之賢知也補曰循水以限狄馬依岐山下求平廣

之地得周原也女者初嫁之稱及姜女者初昏而倉皇出走僅得攜妻也

周原膺膺董荼如飴

膺韓作腓周原漆沮之間也膺膺美也董荼

也荼苦菜也箋云廣平曰原周之原地在岐山之南膺膺然肥美其所生菜雖有性苦者

甘如飴也補曰膳膳平廣兒莖根如薺粉

而食之苦菜糜而食之言穀食不足采野菜

為糧民從者甘之爰始爰謀爰契我龜契一作挈

如飴錫無去志契開也箋云此地將可居故于

漢書引同契開也箋云此地將可居故于

是始與幽人之從己者謀謀從又於是契灼

其龜而卜之卜之則又從矣補曰有國而

棄之無更立國之志今民從至日眾故于是

又始謀建國也古有龜曰止曰時築室于茲

如後有璽言龜則成君曰止曰時築室于茲

箋云時是茲此也卜從則曰可止

居於是可作室家於此定民心也

廼慰廼止廼左廼右慰安箋云民心定乃安

補曰慰慰從來舊民止安定岐周土著之

民也左幽也右京地芮隕之西也岐山正當

周舊國之中故東西
廼疆廼理廼宣廼畝箋云

舊民叛狄而左右來
時耕曰宣乃疆理其經界乃時耕其田畝補曰疆理授田之法宣讀為酌墾作之自

西徂東周爰執事爰於也箋云徂往也於是

周執事競出力也幽與周原不能為西東據

至時從水滸言也補曰西狄東周也忠信

為周舊臣不從狄自拔來歸故褒之也

執事執政也遷民執事自其常役耳

乃召司空乃召司徒俾立室家箋云俾使也

官也司空掌營國邑司徒掌徒役之事故召
之使立室家之位處補曰二卿執事者也
室家民居也言周其繩則直縮版以載作廟
有賢材有舊典

翼翼 言不失繩直也乘謂之縮君子將營宮室宗廟為先廡庫為次居室為後箋云

繩者營其廣輪方直之正也既正則以索縮

其築版上下相承而起廟成則嚴顯翼翼然

乘聲之誤當為繩也補曰始改復穴為

宮室故詳其制宮制以廟為大美其工也

抹之陬陬度之薨薨築之登登削婁馮馮 說文

引抹 抹藁也陬陬眾也度居也言百姓之

勸勉也登登用力也削牆鍛婁之聲馮馮然

箋云抹桴也度猶投也築牆者桴 **百堵皆興**

聚壤土盛之以藁而投之版中

磬鼓弗勝 皆俱也磬大鼓也長一丈二尺或

為堵興起也百堵同時磬鼓不能止之使休

息也凡大鼓之側有小鼓謂之應磬朔磬周

禮曰以馨鼓鼓役事補曰行
國改爲城郭之國故專記工作

廼立臯門臯門有伉廼立應門應門將將
一伉

作亢韓作閼王之郭門曰臯門伉高兒王

之正門曰應門將將嚴正也美太王作郭門

以致臯門作正門以致應門焉箋云諸侯之

宮外門曰臯門朝門曰應門內有路門天子

之宮加以庫雉補曰臯應諸侯所無以后

稷王者後用天子禮故因立之亦翦商之證

廼立冢土戎醜攸行冢大戎大醜眾也冢土

必先有事乎社而後出謂之宜美太王之社

遂爲大社也箋云大社者出大眾將所告而

行也春秋傳曰蜃宜社之肉

補曰言教民習戎以謀復故土

肆不殄厥愠亦不隕厥問

肆故今也愠恚隕隊也箋云小聘曰

問文王見太王立冢土有用大眾之義故不

絕去其恚怒惡人之心亦不廢其聘問鄰國

之禮補曰愠侮也狄來侵侮不絕而不廢

聘問春秋曰輸平猶陸成也陸則隕矣言太

王謀狄柞械拔矣行道兌矣混夷駉矣維其

之方也

喙矣

說文引駉又引犬夷咽矣張載引駉作突廣韻引喙作瘞瘞兌成蹊也駉突

喙困也箋云柞櫟也械白桮也今以柞械生

柯葉之時使大夫將師旅出聘問其行道士

眾兌然不有征伐之意混夷夷狄國也見文

王之使者將士眾過己國則惶怖驚走奔突

入此柞械之中而逃甚困劇也是之謂一年

伐混夷太王辟狄文王伐混夷成道興國其

志一也補曰混夷即狄也狄與邠京岐俱

相鄰岐又與邠近其先林木阻深山谷荒絕

不知也及邠民歸周乃知辟狄益南反通故

國於是伐山通道拔柞械而潛襲之行道疾

銳步徑開通昆夷恃馬而周阻山彼不能來

我則能往故駟突而走甚困病矣晉語曰余

病喙此所謂大王荒高山

也文王伐昆夷其事異此

虞芮質厥成文王蹶厥生質成也成平也蹶

與爭田久而不平乃相謂曰西伯仁人也盍

往質焉乃相與朝周入其境則耕者讓畔行

者讓路入其邑男女異路班白不提挈入其

朝士讓為大夫大夫讓為卿二國之君感而

相謂曰我等小人不可以履君子之庭乃相

讓以所爭田為間田而退天下聞之而歸者

四十國箋云虞芮之質平而文王勤其縣縣
民初生之道謂廣其德而王業大補曰言
文王稱王者以當時強陵弱大役小苦天下
之民如周昔被患時感天下之無王故動念
也水經注顛軫阪有虞原虞城今平陸地河
北東有芮城今縣也二國蓋爭河瀕壅沙之
田
予曰有疏附予曰有先後予曰有本奏予

曰有御侮

本奏一作奔走御一作禦率下親上曰疏附相道前後曰先後喻

德宣譽曰本奏武臣折衝曰御侮箋云予我
也詩人自我也文王之德所以至然者我念
之曰此亦由有疏附先後本奏御侮之臣力
也疏附使疏者親也本奏使人歸趨之補
曰本當為卒進趣也師或讀為奔誤作
本耳此四臣以接鄰國皆感民生之難

言十六
繇九章章六句

棫樸文王能官人也

補曰美其立學造士后妃能輔佐之以求

賢審官

芄芃棫樸薪之樛之

樛說文引或作禰興也芃芃木盛皃棫白桲

也樛枹木也樛積也山木茂盛萬民得而薪之賢人眾多國家得用蕃興箋云白桲相樸屬而帝及三辰則聚積以燎補曰擇白桲

而薪之取其潔也喻進用凡

濟濟辟王左右

趣之

趣趨也箋云辟君也君王謂文王也文王臨祭祀其容濟濟然敬左右之諸臣

皆促疾於事謂相助積薪
辟王自侯而王也趣其郊煙受命

濟濟辟王左右奉璋也祭祀之禮王裸以圭

瓚諸臣助之亞裸以璋瓚也補曰此祭宗廟

也助奉璋者后也文王受命初立后記其盛

禮奉璋峩峩髦士攸宜壯也髦俊也箋云士

卿士也奉璋之儀峩峩然故今俊士之所宜

補曰峩峩祭容髦士貢士助祭者王后所

宜言能輔佐文

王求賢審官

淠彼涇舟烝徒楫之淠舟行皃楫櫂也箋云

之舟順流而行者乃眾徒船人以楫櫂之故

也興眾臣之賢者行君政令補曰涇水濁

流喻世亂也文王將周王子邁六師及之子天

濟之則眾爭助其力六軍箋云于往邁行及與也周王往行謂出

兵征伐也二千五百人為師今王興師行者

殷末之制未有周禮周禮五師為軍軍萬二

千五百人補曰稱周王者以對殷王也稱

王則有六師言行舟行師皆賴

眾力故于凡民中拔用髦士

倬彼雲漢為章于天說文引倬倬大也雲

在天其為文章譬猶天子為法度于天下

補曰雲漢二伯之象言周王為西伯功德已

章周王壽考遐不作人箋云周王文王也文

王是時九十餘矣故云壽考遠不作人者其

政變化紂之惡俗近如新作者也補曰言

壽考者時不可再讓也作人興學
之典遐者更祝其遠及紂畿也

追琢其章金玉其相追說苑引作彫 追彫

也箋云周禮追師掌追衡筭則追亦治玉也

相視也猶觀示也追琢玉使成文章喻文王

為政先以心研精合於禮義然後施之萬民

視而觀之其好而樂之如觀金玉然言其政

可樂也補曰章質也相助也飾也今字作

鑲既槌琢成章又飾以金玉喻先武功後文

治勉韓作亶荀子引同

勉勉我王綱紀四方我韓作文 箋云我

王謂文王也以綱罟喻為政張之為綱理之

為紀補曰勉其戡亂濟民非虛奉以尊號

棧樸五章章四句

早麓受祖也

補曰祖謂太王受之者文王也文王受命而立明堂於辟

離書曰受終於文祖文祖即明堂也受命曰文周之先祖世修后

稷公劉之業太王王季申以百福于祿焉

瞻彼早鹿榛楛濟濟

鹿一作麓說文引楛旱山名也鹿山足也濟

濟眾多也箋云旱山之足林木茂盛者得山

雲雨之潤澤也喻周邦之民獨豐樂者被其

君德教補曰水經注池水洿水皆出旱山

入漢山在今南鄭城固間漢廣頌周德王季

時已南有漢中矣榛楛矢材喻武略及

遠本王季為西伯之功故瞻早麓也豈弟

君子于祿豈弟

豈一作凱愷干求也言陰陽和山藪殖故君子得以干

祿樂易箋云君子謂太王王季以有樂易之德施于民故其求祿亦得樂易補曰干祿言不求而至也孔子曰祿在其中王季彊盛而殷命作伯因而受命豈弟君子世子之稱文王嗣位仍為西伯是曰干祿豈弟

璚彼玉瓚黃流在中

璚一作瑟說文引璚玉瓚圭瓚也黃金所以

飾流鬯也九命然後錫以秬鬯圭瓚箋云璚潔鮮兒黃流秬鬯也圭瓚之狀以圭為柄黃金為勺青金為外朱中央矣殷王帝乙之時王季為西伯以功德受此賜補曰中中尊也也賜以作成之酒以中尊盛而致之王季為西伯文王繼之蓋又以武功賜鬯

弟君子福祿攸降

箋云攸所降下也曰言自王所降賜之

補

鳶飛戾天魚躍于淵

言上下察也箋云鳶鴟之類鳥之貪惡者也飛

而至天喻惡人遠去不為民害也魚跳躍于

淵中喻民喜得所補曰鳶鴟隸變字即王

睢也能食魚戾天豈弟君子遐不作人

遠去則魚得躍遐箋云

也言太王王季之德近於變化使如新作人

補曰文王立學頌其遠作人者欲其教化

及殷

國

清酒既載駢牡既備

言年豐畜碩也箋云既載謂已在尊中也祭祀

之事先為清酒其次擇牲故舉二者補曰

清酒朝事所酌駢牡周所尚也備者牢也信

南山曰祭以清酒從以駢牡彼謂禘祭此言

既者立明堂於辟雖也始受命禘祭明堂

以高以祀以介景福
言祀所以得福也
箋云介助景大也

瑟彼柞棫民所燎矣
以茂眾兒箋云柞棫之所
以茂盛者乃人爨燎除

其苟艸養治之使無害也
故咏燎也民所者民所樂推非嗣王卽位之

常
豈弟君子神所勞矣
箋云勞勞來猶言佑
補曰嘉其能尊

中國

莫莫葛藟施于條枚
藟一作藟說文引藟劉
向引作纍施韓作延說

文引枚 箋云葛也藟也延蔓于木之條枚
而茂盛喻子孫依緣先人之功而起 補曰

葛藟言周承后稷以來舊封
也條枚王室之詞條栢也
豈弟君子求福

不回箋云不回者不違先祖之道補曰不
回服事之詞受命仍事殷故曰求福

旱麓六章章四句

思齋文王所以聖也言非但天性德有所
由成補曰因三母

賢而子孫聖知教由
少成益重國子之學

思齊大任文王之母思媚周姜京室之婦齊

媚愛也周姜大姜也京室王室也箋云京周
地名也常思莊敬者太任也乃為文王之母
又常思愛大姜之配太王之禮故能為京室
之婦言其德行純備故生聖子也大姜言周
大任言京見其謙恭自卑小也補曰京公
劉舊邑王季復還居之婦者有姑之詞文王

卽位大任猶有姑則周姜近百歲矣美大任老貴而不解於婦禮述母德者明教子之當

豫大姒嗣徽音則百斯男大姒文王之妃也大姒十子眾妾則

宜百子也箋云徽美也嗣大任之美音謂續

行其善教令補曰文王備九女之制言百

男者記其盛也公子多則

國學重故下專言辟靡

惠于宗公神罔時怨神罔時恫恫說文引作恫大兒宗

公宗神也恫痛也箋云惠順也宗公大臣也

文王爲政咨於大臣順而行之故能當於神

明神明無是怨恚其所行者無是痛傷其將

無有凶禍補曰宗宗室公公宮統公族者

神先祖也言恫者蓋無後刑于寡妻至于兄

者從祖祔食禮始于此

弟以御于家邦

刑法也寡妻適妻也御迎也箋云寡有之妻言賢也御治

也文王以禮法接待其妻至于宗族以此又能為政治于家邦也書曰乃寡兄勗又曰越

乃御事補曰寡妻未備併御之妻蓋公子

可以早娶早娶者併待年也教公子自妻推

兄弟以治家邦皆接人

之道不待從政而知治

離離和也肅肅敬也箋

離離在宮肅肅在廟

離離和也肅肅敬也箋云宮謂辟廡宮也羣臣

助文王養老則尚和助祭於廟則尚敬言得

禮之宜補曰肅離婦德也言羣公子化母

教在學宮及宗不顯亦臨無射亦保

以顯臨之保安

廟咸會習禮也

無厭也箋云臨視也保猶居也文王之在辟

靡也有賢才之質而不明者亦得觀於禮於

六莢無射才者亦得居於位言養善使之積

小致高大補曰顯助祭之名清廟曰肅雖

顯相臨如鬼神補曰顯助祭之名清廟曰肅雖

氏掌諫惡言非在廟時亦肅若有臨無射禮

亦若對師肆戎疾不殄假不瑕肆故今也

保不失禮肆戎疾不殄假不瑕

今大疾害人者不絕之而自絕也烈業假大

也箋云烈假當為癘瘕皆病也瑕已也文王

於辟靡德如此故大害人者不絕之而自絕

為癘瘕之行者不己之而自已言化之深也

補曰不詞也戎兵疾病也在廟敬受神福

故國無兵疫在宮和故人不癘瘕言教成之

效王化

之美

不聞亦式不諫亦入言性與天合也箋云式

有仁義之行而不聞達者亦用之助祭有孝
 弟之行而不能諫爭者亦得入言其使人器
 之不求備也補曰此專論辟廡也立學不
 獨教公子凡造士雖有未貢不聞于朝者亦
 式其閭而禮之言求遺逸也諫當為東擇也
 凡視學必簡不帥教者以三年為期君乃親
 入今文王重學雖不簡之肆成人有德小子
 時亦復親入言督勸也有造
 有造造為也箋云成人謂大夫士也小子其
 造弟子也文王在於宗廟德如此故大夫
 士皆有所造成補曰成人成學者九年大
 成謂之成人有德者不但求仕進也以文王
 式不聞者故皆務於德小子民弟子也謂之
 造士言其家初無士此乃新造成也以文王
 親勤入古之人無擇譽髦斯士
 學故擇一作數
 箋云古之人

謂聖王明君也口無擇言身無擇行以身化其臣下故令此士皆有名譽於天下成其俊又之美也補曰言古之人者教王子之詞也譽舉也髦選也公子無擇行乃能選舉當以古人為法知身教之道

思齊四章章六句故言五章二章章六句三章章四句

皇矣美周也補曰美謂上帝階之天監代殷莫若

周周世世修德莫若文王監視也天視四方可以代殷王

天下者維有周爾世世修行道德維有文王盛爾

皇矣上帝臨下有赫監觀四方求民之莫監漢

書引作鑑 皇大莫定也箋云臨視也大矣

天之視天下赫然甚明殷紂之暴亂乃監察

天下之眾國求民之定謂所歸就也維此二

補曰上帝明堂五帝下謂侯國也

國其正不獲二國殷夏也箋云二國謂今殷

曰此者內詞二國王國及周也正讀若大維

國正己之正殷不能正崇周不得正崇

彼四國爰究爰度彼彼有道也四國四方也

密也阮也祖也共也度亦謀也殷崇之君其

行暴亂不得於天心密阮祖共之君於是又

助之謀言同於惡也補曰彼者外詞四國

二伯所統文王受命所伐邢密夷者蓋皆崇

屬也文王二年伐邢三年伐密須四年伐犬

夷五年伐耆六年伐崇此下言伐崇故唯四

夷五年伐耆六年伐崇此下言伐崇故唯四

國耳究糾也度正也糾正
其君度正其民是民莫
上帝耆之憎其式

廓廓一作郭耆惡也廓大也憎其用大位
至老猶不變改憎其所用為惡者浸大也

補曰耆今嗜字旨也美也上帝美周而憎殷
之大用者謂崇乃眷西顧此維與宅眷一作

侯與西伯同位乃眷西顧此維與宅眷一作
引眷乃與谷永匡衡引作迺予顧顧西土

也宅居也箋云乃眷然運視西顧見文王之
德而與之居言天

意常在文王所

作之屏之其笛其翳修之平之其灌其柶啟

之辟之其榘其楛攘之剔之其槩其柘
一笛剔作

苗鬻剔又作捌翳韓作殪說文引柘木立

死曰苗自斃為翳灌叢生也榑栭也檉河柳

楛橫槩山桑也箋云天既顧文王四方之民

則大歸往岐周之地險隘多樹木乃競刊除

而自居處言樂就有德之甚補曰言文

王以墾闢荒曠為功而伐昆夷亦由於此帝

遷明德串夷載路串一作患徙就文王之

云串夷即混夷西戎國名也路應也天意去

殷之惡就周之德文王則侵伐混夷以應之

補曰帝太王也遷遷岐也路道也周先在

梁山北為串夷東境遷于岐山當串夷南境

叢山未闢串夷但西防耳及由間道襲其王

庭東收故地串夷臣服是天之遷周為通串

夷之道也則路天立厥妃受命既固配妃一作

者言來朝無阻

媿也箋云天既顧文王又爲之生賢妃謂太
姒也其受命之道已堅固也補曰有莘之
國近京亦與串夷相接既爲昏姻倚以鎮撫
則周無東北之憂四境盡完固也傳曰有婦
人謂此與

帝省其山柞棫斯拔松柏斯兌

兌易直也箋云省善也天

既顧文王乃和其國之風雨使其山樹木茂
盛言非徒養其民人而已補曰所謂天作

高山言作屏以下之帝作邦作對自太伯王

功非獨文王之業季對配也從太伯之見王季也箋云作爲也

是乃自大伯王季時則然矣太伯讓于王季
而文王起補曰對荅也所謂以對於天下

言受命之徵太伯不肖當故讓王季也聖各
 有志有以拯濟為心者有以釋位為樂者然
 其知微同耳太伯知周當代殷而不欲對之
 因託而去非欲立文王也太伯立自可傳文
 王尤可傳仲雍王季以及文王假令文王非
 同姓而當受命亦可傳之何必讓乎言此者
 周之當王維此王季因心則友則友其兄則
 其端著見維此王季因心則友則友其兄則
篤其慶載錫之光
 王季之心親親而又善於宗族又尤善於兄
 太伯乃厚明其功美始使之顯著也太伯以
 讓為功美王季乃能厚明之使傳世稱之亦
 其德也補曰因心猶稱心也友順也王季
 知兄志坦然受國稱心而無嫌疑不強兄以
 所不欲斯乃順兄之至也慶賜也大伯賜王

季以國王季能厚之則亦賜大受祿無喪奄

伯以光顯與夷齊異行而同美

有四方

喪亡奄大也箋云王季以有因心則友之德故世世受福祿至于覆有天

維此王季帝度其心

王季韓作文王心能制義曰度

貉其

德音其德克明克明克類克長克君

貉靜也箋云德

正應和曰貉照臨四方曰明類善也勤施無私曰類教誨不倦曰長賞慶刑威曰君

曰貉莫也韓詩字本作莫貉靜猶隱也王季不讓兄而代立嫌於非次故其聲聞不顯而

其實乃為明太伯之讓克為父之肖王此大

邦克順克比

比禮記史記引作俾下同 慈

云王君也王季稱王追王也 補曰自大

于文王其德靡悔

也王季之德比于文王無

有所悔也必比于文王者德以聖 既受帝祉

施于孫子

箋云帝天也祉福也施猶易也延也

帝謂文王無然畔援無然歆羨誕先登于岸

無是畔道無是援取無是貪羨岸高位也箋

云畔援猶跋扈也誕大登成岸訟也天語文 王曰女無如是跋扈者妄出兵也無如是貪

羨者侵人土地也欲廣大德美者當先平獄

訟正曲直也補曰此言太王授文之意也

然猶許也無然不以爲然也登謂卽位也未

滅殷卽稱王故曰先登于往岸扞也天不許

有國者跋扈貪涎妄相侵伐故命文王大受

命先卽尊位往扞遏之密人不共敢距大邦

如水妄行禦之以岸也密人不共敢距大邦

侵阮徂共阮不共一作不恭國有密須氏侵

三國犯周而文王伐之密須之人乃敢距其

義兵違正道是不直也補曰此言伐邢密

之事也班固說安定郡陰密故密須國今靈

臺去幽百里去京將千里阮周屬國蓋在周

密之間共邢也字亦作邢在降水之地入紂

畿矣距周二千里徂當爲沮撓之沮文王二

年伐邢卽伐共也密人欲救邢乃興兵襲阮

以沮伐共之師周疆而密敢侵阮故曰敢距

大邦許慎說阮為代郡五阮王赫斯怒爰整

關今宣化大同之口非此阮

其旅以按徂旅按旅孟子引作遏莒旅師

意斯盡也五百人為旅文王赫然與其羣臣

盡怒曰整其軍旅而出以郤止徂國之兵眾

說文王侵孟莒莒孟亦即邢也今孟邢俱在

河內則旅為邢邑明矣伐邢克莒邢未降而

阮請救於是還師本密人之意謂之沮共紀

其實謂以篤于周祐以對于天下對遂也箋

當王之福以荅天下向周之望補曰阮屬

周當受安平之福今救之故祐篤也天下知

服于周者無兵

患故可對之

依其在京侵自阮疆陟我高岡京大阜也箋云京周地名

陟登也文王但發其依居京地之眾以往侵阮國之疆登其山脊而望阮之兵

公劉所居邑依之者密人之師也密人侵阮

及疆而退以爲不如襲周遂依京而屯焉已

踞周境之高岡無矢我陵我陵我阿無飲我

連營言兵盛也

泉我泉我池矢陳也箋云矢猶當也大陵曰阿兵無敢當其陵及阿者又無

敢飲食於其泉及池水者小出兵而合驚怖

如此此以德攻不以眾也陵泉重言者美之

也每言我者據後得而有之而言補曰無

毋也亦無有也密兵盛而京備少故倉卒被

寇及聞王師至守禦爭奮民自爲守

絕其樵汲密人處處爲敵遂遜出竟

度其鮮

原居岐之陽在渭之將

小山別大山曰鮮將側也箋云度謀鮮善

也文王見侵阮而兵不見敵知己德盛而威

行可以遷居定天下之心乃始謀居善原廣

平之地亦在岐山之南居渭水之側補曰

文王以京岐相去遠故作豐也豐在岐山東

南四百餘里在京西南五百餘里地萬邦之

居二都之中依渭水為固是為別原

方下民之王

方則也箋云方猶鄉也為萬國之所鄉作下民之君後竟徙都

於豐

帝謂文王子懷明德不大聲以色不長夏以

革

懷歸也不大聲見於色革更也不以長大有所更箋云夏諸夏也天之言云我歸人

君有光明之德而不虛廣言補曰言太王剪

不長諸夏以變更王法者補曰言太王剪

商非聲色化民之是大非用夏革夷之是長

也聲色猶儀文也文王起西夷而制禮樂故

明其不識不知順帝之則箋云其為人不知

重在此識古不知今順

天之法而行之者此言天之道尚誠實貴性

自然補曰不識不知謂串夷邢密也以服

三國使不知天命者順法此之為帝謂文王

大亦言帝者太王始有事昆夷帝謂文王

詢爾仇方同爾兄弟兄弟齊作弟兄仇匹

也箋云詢謀也怨耦曰

仇仇方謂旁國諸侯為暴亂大惡者女當謀

征討之以和協女兄弟之國率與之往親親

則方志齊心一也當此之時崇侯虎倡紂為

無道罪尤大也補曰詢同仇方兄弟謂率

西伯所屬往伐東伯也仇方兄以爾鉤援與

爾臨衝以伐崇墉臨韓作隆墉齊作庸鉤梯也所以鉤引上城者

臨臨車也衝衝車也墉城也

補曰崇不識知之尤甚者

臨衝閑閑崇墉言言執訊連連攸職安安閑閑

動搖也言言高大也連連徐也攸所也職獲

也不服者殺而獻其左耳曰職箋云言言猶

孽孽將壞兒訊言也執所生得者而言問之

及獻所職皆徐徐以禮為之不尙促速也
補曰連連車進之兒安安謂全師而是類是
還無凶危馘不可安安者不職也
禡是致是附四方以無侮於內曰類於野曰

神附附其先祖為之立後尊其尊而親其親
箋云類也禡也師祭也無侮者文王伐崇而

無復敢侮慢周者補曰類祭天告出師禡

師行所止祀其方神四方二伯所統致春秋

所謂至自師還飲至之禮傳曰其會不致附

則未聞此時取成而還不得附其先祖也記

曰凡附五刑又曰附從臨衝第第崇墉伋伋

輕或者附為訊職之事臨衝第第崇墉伋伋

是伐是肆是絕是忽四方以無拂伋說文引

第強盛也伋伋猶言言也肆疾也忽滅也箋

云伐謂擊刺之肆犯突也春秋傳曰使勇而

無剛者肆之拂猶倨也言無復倨戾文王者

補曰伐崇凡再舉前城已將壞取平而還

乃又叛盟故再伐焉第第然自蔽未施攻具

也伋伋然牆高未壞也肆遂也伐而遂入之

絕而滅之崇罪大也絕絕其世也左傳曰亡也忽焉

皇矣八章章十二句

靈臺民始附也

補曰文王之國太平己洽興學作樂

文王

受命而民樂其有靈德以及鳥獸昆蟲焉

民者冥也其見仁道遲故於是乃附也天子有靈臺者所以觀祲象察氣之妖祥也文王受命而作邑于豐立靈臺春秋傳曰公既視朔遂登觀臺而書雲物為備故也

經始靈臺經之營之

神之精明者稱靈四方而高曰臺經度之也箋

云文王應天命度始靈臺之基趾營表其位

庶民攻之不日成之

攻作也不日成之不日有成也箋云不設期日而成之言說文王之德勸其事忘其勞也觀臺而曰靈者文王化行似神之精明故以名也補曰不日者不必一日也凡使民作豐年用三日今功簡民眾每人不待一日而辦矣上有所作不料民賦功而曰不設期日乖於政體且民之當役如弟子之服勞亦不可姑息而已

經始勿亟庶民子來箋云亟急也度始靈臺之基趾非有急成之意

眾民各以子成父事而來攻之補曰勿州里所建旗以趨事者也亟數也方經始而數見建物致民者來何也以民來附者眾也王官作有程無庸戒以勿亟工久愈妨民也

在靈囿麇鹿攸伏囿所以域養禽獸也天子百里諸侯四十里靈囿言

靈道行于囿也鹿牝也箋云攸所也文王親

至靈囿視牝鹿所游伏之處言愛物也

補

曰鹿野獸喻他國來附之民也伏胎孕

也言新民襁負而來且日滋生於王土

麇鹿濯濯白鳥騞騞

說文引騞也騞騞肥澤也箋云鳥

濯濯娛游

獸肥盛喜樂言得其所

補曰

王在靈沼於

白鳥鶴也與鹿皆長年之禽

物魚躍

說文引物於沼也

物滿也箋云靈沼之水魚盈

滿其中皆躍亦言得其

所補曰亦喻民蕃滋

虞業維樅賁鼓維鏞

賁一作

叢賴虞說文引

曰櫛業大版也樅崇牙也賁大鼓也鏞大鐘

也箋云虞也櫛也所以縣鐘鼓也設大版于

上刻畫以爲飾補曰虞業周所矧制縣鼓
者入學宿縣故詳其虞業縱從木從從對橫
而言之崇牙豎於論鼓鐘於樂辟靡論思也
羽以縣應田者於論鼓鐘於樂辟靡
如璧曰辟靡以節觀者箋云論之言倫也文
王立靈臺而知民之歸附作靈囿靈沼而知
鳥獸之得其所以爲音聲之道與政通故合
樂以詳之於得其倫理乎鼓與鐘也於喜樂
乎諸在辟靡中者言感於中和之至補曰
民庶富故修教立學鼓鐘者擊鐘也天子將
出撞黃鐘右五鐘皆應入撞蕤賓左五鐘皆
應鐘師奏九夏皆金奏也王出入奏肆夏論
乎其有和理乎樂辟靡者奏樂辟靡以與學
子習合禮樂養老而簡士此文王之學耳文
王受命因立

明堂於辟靡

於論鼓鐘於樂辟靡

補曰重言者觀者美之之詞

鼉鼓逢

逢矇眊奏公

鼉魚屬逢逢和也有眸子而無見曰矇無眸子曰眊公事也箋

云凡聲使瞽矇為之

補曰鼉鼓晨鼓也大

所鼓徵所以警眾奏進也

公公堂學校也遂

發詠

焉

靈臺五章章四句

下武繼文也

繼文者繼文王之業而成之

武王有聖

德復受天命能昭先人之功焉

昭明也

下武維周世有哲王

武繼也箋云下猶後也哲知也後人能繼先祖

者維有周家最大世世益有明知之王謂太
王王季文王稍就盛也補曰下謂侯國武

武功也湯伐桀曰吾甚武伐天子曰武三后在天王配于京后三

太王王季文王也王武王也箋云此三后既
沒登假精氣在天矣武王又能配行其道于

京謂鎬京也補曰在寮
也京大也武王興而益大

王配于京世德作求箋云作為求終也武王
配行三后之道于鎬京

者以其世世積德永言配命成王之孚
庶為終成其大功箋云永長

言我也命猶教令也孚信也此為武王言也
今長我之配行三后之教令者欲成我周家

王道之信也王德之道成於信論語曰民
無信不立補曰孚孚子也王孚育天下

成王之孚下土之式式法也箋云王道尚信則天下以為法勤行之

補曰欲孚成之必以教法也永言孝思孝思維則則其先人也箋

云長我孝心之所思所思者其維則三后之所行以順祖考為孝

媚茲一人應侯順德一人天子也應當侯維也箋云媚愛茲此也可

愛乎武王能當此順德謂能成其祖考之功也易曰君子以順德積小以高大補曰八

百會盟津是愛順此一人永言孝思昭哉嗣

服箋云服事也明哉武王之嗣行祖考之事謂伐紂定天下

昭茲來許繩其祖武許東觀漢記引作御許進繩戒武迹也箋云

茲此來勤也武王能明此勤行進於善道
戒愼其祖考所履踐之跡美其終成之於

萬斯年受天之祐箋云祐福也天下樂仰武王之德欲其壽考之言也

受天之祐四方來賀補曰賀以禮幣相慶也四方蕃服以貴寶為摯

於萬斯年不遐有佐遠夷來佐也箋云武王受此萬年之壽不遠有

佐言其輔佐之臣亦宜蒙其餘福也書曰公其以予萬億年亦君臣同福祿也

下武六章章四句

文王有聲繼伐也補曰伐當為武古文武從戈止有似伐耳此與

繼文相對上繼文德此繼武功也
武王能廣文王之聲

卒其伐功也

繼伐者文王伐崇而武王伐紂

文王有聲遘駿有聲遘求厥寧遘觀厥成

遘求

說文引作吹求

箋云遘述駿大求終觀多

也文王有令聞之聲者乃述行有令聞之聲

之道所致也所述者謂太王王季也又述行

終其安民之道又述行多其成民之德言周

德之世

文王烝哉

烝君也箋云君哉者言其誠得人君之道

久也

進也

文王受命有此武功

補曰此此

既伐于崇作

邑于豐

箋云武功謂伐四國及崇之功也作邑者徙都于豐以應天命

補曰既

猶終也文王當伐紂而不文王烝哉補曰每欲乃作邑示其安於西土

者歎其遲久而不利天下也烝進也進西方君為天下君

築城伊滅作豐伊匹滅一作沘韓同 滅成

里曰成滅其溝也廣深各八尺文王受命而猶不自足築豐邑之城大小適與成耦大於

諸侯小於天子之制匪棘其欲適追來孝棘欲適韓作革猶聿禮記

引同革又作亟箋云棘急來勤也此非以急成從己之欲欲

之行進其業也補曰此下言武王之季勤孝王即位而不急伐紂者追述父意示來世以

孝王后烝哉后君也箋云變諡言王后者非道

其盛事不以義諡補曰后繼

體君謂武王也不顯其
諡者武王本欲繼父志

王公伊濯維豐之垣

濯大箋云公事也文王述行大王王季之王業

其事益大作邑于豐城之既成又垣之立宮室補曰武王亦不欲伐紂以城豐知之也

文王始作豐但開洫耳武王立乃大興功而垣之無東伐之意

四方攸同王

后維翰

翰幹也箋云乃為天下所同心而歸之王后為之幹者正其政教定其法

度補曰翰西伯之職天下亂但欲為四國之屏翰無伐紂意

王后烝哉

豐水東注維禹之績

補曰此言作邑名豐之義也豐水汧水汧蒲藪

也汧出不流故禹道之東注公劉汭隗在其旁地言禹績者周故夏所封也子孫相承守

侯服文王作豐在咸陽渭南之地取故國水名焉舊並指豐溪入昆明池者為豐水謬也

四方攸同皇王維辟績業皇大也箋云績功

豐水亦汎濫為害禹治之使入渭東注于河

禹之功也文王武王今得作邑於其有地為

天下所同心而歸大王為之君乃由禹之功

故引美之豐邑在豐水之西鎬京在豐水之

東補曰辟者三公之稱言

周稱王但以絕殷實仍西伯

后言大王者武

王之事宜益大

鎬京辟靡武王作邑於鎬京補曰既作鎬

京又別立學因豐學辟靡以為明

堂也公羊說辟靡在郊外二十五

里豐鎬相去之數謂前辟靡也

白南自北無思不服

箋云自由也武王于鎬京行辟靡之禮自四方

來觀者皆感化其德心無不歸服者

補曰

思詞也無所不來服事言天下歸往豐邑狹

小故作鎬耳豐辟雍諸侯之學此

乃天子太學故兼有四方遠人

皇王烝哉

考卜維王宅是鎬京維龜正之

箋云考猶稽也宅居也稽

疑之法必契灼龜而卜之武王卜居是鎬京

之地龜則正之謂得吉兆

補曰王文王也

文始卜豐則有宅鎬之兆

正貞也國有大事則貞龜武王成之武王烝

哉武王遂居之修三后之德以伐紂定天下

成龜兆之吉功莫大於此

補曰成其禎

祥也若武王自

卜不得云成之

豐水有芑武王豈不仕芑艸也仕事箋云豐水猶以其潤澤生艸

武王豈不以其功業為事乎補曰芑白苗

嘉穀也仕嗣也穀種歲種而嗣生如公劉居

京大王居岐王季還都京文王作豐徙諡厥

宅不常如穀歲種武王豈敢不嗣業乎諡厥

孫謀以燕翼子燕安翼敬也箋云諡猶傳也

以順天下之謀以安其敬事之子孫謂使行

之也書曰厥考翼其旨曰我有後弗棄基

補曰諡孫者太王也孫武王烝哉箋云上言

又翼子文復傳武也武王烝哉皇王而變

言武王者皇大也始大其業至

武王伐紂成之故言武王也

文王有聲八章章五句

詩十六
文王之什十篇六十六章四百十四句

大雅一

弟子桂陽陳兆奎棊校

詩十六